

11679

14



新鐫旁批詳註總斷廣名將譜卷之八



古閩黃道周石齋父註斷



王鎮惡

王鎮惡北海劇人也。祖猛仕符堅任兼將相。鎮以五月生。家人以俗忌欲令出繼。踈宗猛曰昔孟嘗惡月生而相齊。是兒亦將興吾門矣。故名鎮惡。頗讀諸子兵書。喜論軍國大事。宋武帝伐廣固。或薦之。武帝召與語。異焉。因謂諸佐曰。鎮惡王猛孫。所謂將門有將。

胸中便有一方略

武帝欲討劉毅鎮惡曰公若有事西楚請給百舸為
 前驅武帝乃轉鎮惡參軍事率龍驤將軍蒯恩百舸
 先發鎮惡受命便晝夜兼行揚聲上兗州劉毅謂為
 信不知見襲鎮惡去江陵城二十里舍船步上蒯恩
 軍在前鎮惡次之每舸留三人對舸岸上立旗安鼓
 語所留人曰計我將至城便張鼓若後有大軍狀又
 分隊在後令燒江津船鎮惡前往襲城津戍百姓皆
 言劉藩兵上晏然不疑將至城遇劉毅將朱顯之問
 劉藩所在軍人荅曰在後及至軍後又不見藩又望

見江津船艦被燒而鼓聲甚盛知非藩上遂馳馬告
 毅令閉城門而鎮惡亦馳入城因風放火烧大城南
 門及東門又遣人以詔及赦并武帝手書凡三函示
 毅毅皆燒不視城中猶不知武帝自來及短兵接戰
 鎮惡軍人與毅下將或是父兄弟中表族親且鬪
 且語方知武帝在後人情離解毅遂從大城東門出
 奔至牛牧佛寺自縊鎮惡身被五箭手所執稍手中
 破折江信平後二十日大軍方至武帝北伐以鎮惡
 領前鋒將發將軍劉穆之謂之曰昔晉文王委蜀於

不獨有智且膽勇具足

鄧艾今上亦委卿以關中卿其勉之鎮惡曰吾等因
便非純臣之語托風雲並蒙抽擢今咸陽不克誓不濟江三秦若定
 而公九錫不至亦卿之責矣鎮惡入賊境戰無不捷

大軍攻潼關謀進取計鎮惡請率水軍自河入渭直

至渭橋鎮惡所乘皆蒙衝小艦行船者皆在艦內沂

渭而進艦外不見有行船人北土素無舟楫莫不驚

以為神鎮惡既至令將士飽食食畢即棄船登岸渭

水流急諸艦悉逐流去鎮惡激勵將士曰此是長安

城北門外去家百里而勦乘衣糧并已逐流惟有死

戰可立大功乃身先士卒即攻陷長安城城中六萬

餘戶鎮惡悉撫慰之武帝勞之曰成吾霸業者卿也

鎮惡謝曰此明公之威將士之力帝笑曰卿欲學馮

異耶時鎮惡功高人多忌之武帝將歸留子義真及

沈田子與鎮惡守長安又私謂田子曰鍾會不得遂

其亂者為衛瓘等也語曰猛獸不如群狐卿等十餘

人何懼鎮惡故二人常有猜心後二人俱會傳弘之

壘田子求屏人語因斬鎮惡弘之奔告義真義真率

王修披甲登橫門以察其變俄而沈田子至言鎮惡

唐名將傳 卷之八 六朝宋

反○修○執○田○子○以○專○戮○斬○焉○

斷曰

鎮惡猛孫○出身將門○帝討劉毅○請為參軍○鎮惡承命○百舸先奔○揚聲上充○直襲江濱○劉兵誤認○縱入城闈○及知是誤○城已燒焚○帝兵及至○功已待論○後之北伐○鎮惡有云○咸陽不克○誓不反輪○三秦若定○九錫望恩○舟行人渭○盡以為神○棄舟陸戰○拚死立勲○功成名就○身早不存○雖斬忌者○寃亦無申

六朝梁

韋叡音胃

韋叡字懷文○京兆杜陵人也○自結於梁武及梁武兵起○檄至率郡人伐竹為筏○倍道來赴○有衆二千馬二百匹○帝見叡甚悅○曰他日見君之面○今日見君之心○吾事就矣○大軍發郢謀留守將上難其人○因顧叡曰○棄騏驎而不乘○焉遑口更索○即日以叡為江夏太守○四年伐魏○詔叡都督衆軍○衆軍未能拔○叡巡行圍柵○魏城中忽出數百人○陳於門外○叡欲擊之○諸將曰○向本輕來○請還授甲○而後戰○叡曰○魏城中二千餘人○閉

門堅守足以自保今無故出人于外必其驍勇若能
○金○得○定○拒之其城自拔衆猶遲疑○看○得○明○獻指其節曰朝廷授此非
 以爲飾韋叡之法不可犯也乃進兵魏軍敗因急攻
 之中宿而城拔遂進攻合淝先是司馬胡景略至合
 淝久未能下叡至按行山川曰吾聞汾水可以灌平
 陽卽此是也乃堰淝水填之堰成水通舟艦繼至魏
 初分築東西小城夾淝叡先攻二城旣而魏援將楊
 靈胤帥師五萬奄至衆懼不敵請表益兵叡曰賊已
 至城下方復求軍且吾求濟師彼亦召衆師克在和

古人之義也○因大戰破之○軍人少安○初淝水堰立○使

軍主王懷靜築城于岸守之○魏攻陷城○乘勝至叡城

下○軍監潘靈祐勸叡退還巢湖○諸將請走保三丈叡

曰○將軍死綏有前無却○因令取繳扇麾幢立之堤下

示無動志○叡素羸○每戰未嘗騎馬○以板輿自載○督勵

衆軍○魏兵鑿堤○叡親與爭○魏軍却○因築壘于堤以自

固○起戰艦高與合淝城等○四面臨之○城潰○俘獲萬餘

所獲軍實無所私○焉○叡晝接客旅○夜筭軍書○三更起

張燈達旦○撫循其衆○常如不及○故投募之士爭歸之

妙在臨事善謀

勅勞不惜深得爲將之道

妙在○寡○而○不○畏

合肥既平有詔班師去魏軍既近恐爲所躡大○有○廢○量○叡悉遣輜重居前身乘小輿在後魏人畏叡威名不敢近五年魏中山李元英攻北徐州圍刺史昌義之于鍾離衆兵百萬連城四十里武帝遣曹景宗拒之景宗次邵陽築壘相守未敢進帝怒詔叡會焉賜以龍環御刀曰諸將有不用命者斬之叡奉詔而往過澗谷輒飛橋以濟師人畏魏軍多勸叡緩行叡曰鍾離今鑿穴而處負戶而汲車馳卒奔猶恐其後而况緩乎旬日而至邵陽卽於景宗營前二十里夜掘長塹立鹿

角截洲爲城比曉而營立元英大驚以杖擊地曰是何神也景宗慮城中危懼叡募軍士善水者潛行水底入東城告以救至使固城守城中知救至人百其勇叡結車爲陣魏將楊大眼自以勇冠三軍聚騎圍之叡以强弩二千一時皆發洞甲穿中殺傷者衆矢貫大眼右臂亡魄而走明日元英自率衆來戰叡乘素木輿執白角如意以麾軍一日數合元英甚憚其强魏軍又夜攻城飛矢雨集叡子黯請下城避箭叡不許軍中驚叡于城上厲聲呵之乃定魏軍先於邵

陽洲兩岸為兩橋立柵數百步跨淮通道。叡裝大艦。使馮道根等乘水暴長而進。臨賊壘。又以小船載草灌之。以膏從而焚其橋。風怒火盛。敢死之士拔柵斫橋。倏忽橋柵盡壞。道根等身自搏戰。呼聲動天地。魏人大潰。元英脫身遁走。趨水死者十餘萬。斬首亦如之。其餘數十萬皆乞降。以功進爵為侯。會司州刺史馬仙理自北還軍。為魏人所躡。三關擾動。詔叡督衆軍援焉。叡至安陸。增築城二丈餘。更開大塹。起高樓。衆譏其示弱。叡曰：不然。為將當有怯時。是時元英欲

知此則戰并孟浪

追仙理以復邵陽之耻。聞叡至乃退。帝亦詔罷軍。普通元年遷侍中車騎將軍。未拜卒于家。叡雅有曠世之度。蒞人以惠愛為本。所居必有政績。將兵仁愛士卒。營幕未立。終不肯就舍。并竈未成。亦不先食。被服必倣儒者。雖臨陣交鋒。常緩服乘輿。執竹如意。以麾進止。為梁名將。

此為將之本

斷曰

韋叡忠良。自結於梁。奉命伐魏。卽擁油幢。衆請緩戰。叡怒不揚。旣而城拔。方識其強。再攻淝水。魏救

忽○猖○請○兵○不○及○卽○以○寡○當○力○戰○不○却○守○死○不○慌○築
壘○自○固○起○艦○以○張○戰○勝○俘○獲○多○不○可○量○淝○水○旣○定
威○名○愈○揚○元○英○攻○徐○衆○將○戰○傷○召○叡○急○救○飛○橋○以
行○兵○不○旬○日○卽○至○邵○陽○元○英○驚○異○我○兵○更○剛○非○水
灌○敵○卽○火○燒○強○大○小○百○戰○英○方○敗○亡○功○成○進○爵○儒
將○名○香

王僧辨

王○僧○辨○字○君○才○學○涉○該○博○雖○射○不○穿○甲○而○有○凌○雲○之
氣○時○有○劉○躬○謀○作○亂○遠○近○響○應○僧○辨○計○擒○之○由○是○以

勇○畧○稱○侯○景○反○浮○江○西○寇○元○帝○以○僧○辨○爲○征○東○將○軍
率○巴○陵○諸○軍○沿○流○討○景○攻○拔○魯○山○仍○攻○郢○卽○入○羅○城
景○聞○之○倍○道○歸○建○業○賊○帥○宋○子○仙○等○因○蹙○求○輸○郢○城
身○還○就○景○僧○辨○僞○許○之○子○仙○謂○爲○信○然○浮○舟○將○發○僧
合○法○自○妙辨○命○杜○龕○鼓○譟○掩○至○大○破○之○擒○子○仙○丁○和○等○送○江○陵
郢○州○旣○平○於○是○發○江○州○直○指○建○業○中○江○而○風○浪○師○人
咸○懼○僧○辨○再○拜○告○天○曰○僧○辨○忠○臣○奉○辭○伐○罪○社○稷○中
興○當○使○風○息○若○鼎○命○中○淪○請○從○此○逝○言○訖○風○止○自○此
遂○泛○安○流○景○自○出○戰○于○石○頭○城○北○僧○辨○等○大○破○之○景

走朱方僧辨遂引軍入據臺城其夜軍失火燒太極殿及東西堂僧辨雖有滅賊之功而馭下無法軍人鹵掠驅逼居人都下百姓緣淮號呼翻思景焉湘州賊陸納以李洪雅應十八子之讖遂奉為將軍尊事如主鼓吹羽儀入長沙僧辨憚之稍作連城以遏焉不敢交鋒並懷懈怠僧辨因其無備親舉旗鼓以誡進止賊遂大敗歸保長沙僧辨別命多壘圍之自出臨視賊以其不設備其黨李賢明等遂蒙楯直進僧辨據胡床不為動指麾勇敢遂斬賢明賊乃退歸僧

斷曰

辨後為陳武帝所殺

僧辨為將射不穿甲意氣凌人擒劉自拔侯景反時奉命討伐子仙偽降命軍掩殺郢州既定建鄴進發風浪驚人拜平一霎景敗石頭功已昭察火燒兵掠馭下無法所以其終不能善達

六朝陳

吳明徹

吳明徹字通紹秦郡人也嘗就汝南周弘正學天文

孤虛遁甲頗以英雄自許武帝亦奇之命為安南將軍及陳宣帝議北伐齊公卿互有異同獨明徹決策請行遂進逼壽陽齊遣王琳拒守明徹乘夜攻之中宵而潰齊兵退據相國城明徹令軍中益修攻具又遇淝水灌城城中死者十六七會齊遣大將皮景和率兵數十萬來援去壽春三十里頓軍不進明徹曰兵貴神速彼結營不進自挫其鋒吾知其不敢戰矣因躬環甲胄四面疾攻城中震恐一鼓而擒王琳等送建業景和懼而遁走及周滅齊陳宣帝詔明徹北

○察○破○敵○情○自○能○奮○勇○成○力

伐軍至呂梁周徐州總管梁士彥率衆拒戰明徹頻破之仍遏清水以灌其城環列舟艦於城下周遣大將王軌救之軌輕行自清水入灌口橫流立木以鐵鎖貫車輪遏斷船路諸將聞之甚恐議欲破堰拔軍以舫載馬裴子烈曰吾若決堰下船船必傾倒豈可得乎不如前遣馬出適會明徹疾篤知事不濟遂從之乃遣蕭摩訶帥馬軍數千前還明徹仍自決其堰乘水力以退軍及至清水口水力微舟艦並不得渡衆軍皆潰明徹窮蹙乃就執周封懷德郡公以憂遘

疾卒

斷曰

明徹有心。每思大舉。曾學天文。英雄自許。陳欲伐齊。衆議首鼠。徹獨請行。遂進攻取。齊遣救來。頓兵自阻。徹笑挫鋒。急攻其堡。一鼓而擒。救兵退旅。及周滅齊。復攻周。土軍至。呂梁。遏水灌汝。敵至橫輪。船路盡堵。諸將恐憂。敗謀各吐。適徹病昏。一時無主。水退舟沉。將軍被虜。既受周封。死亦何補。

北朝魏

崔浩

崔浩字伯深。少好學。玄象陰陽百家之言。無不該覽。魏明元初。拜學士。祭酒。晉將劉裕伐姚泓。欲泝河西。上求假道。詔群臣議。咸曰。函谷天險。裕何能西。今揚言伐姚。意或難測。宜發軍斷河。勿令西過。浩曰。此非上策也。今姚興死。子泓幼。乘危亡而伐之。臣觀其意。必自入關。動躁之人。不顧後患。今若塞其西路。裕必上岸北侵。如此。則姚無事。而我受敵矣。蠕蠕內寇。人食又耗。發軍赴南。則北寇進擊。若其救北。則南州復

看○得○明○透○

慮○得○詳○悉○

危○莫○若○假○之○水○道○縱○裕○西○入○然○後○興○兵○塞○其○東○歸○之○
路○所○謂○卞○莊○刺○虎○兩○得○之○勢○也○使○裕○勝○也○必○德○我○假○
道○之○惠○今○姚○勝○也○亦○不○失○救○鄰○之○名○縱○裕○得○關○中○遙○
遠○難○守○彼○不○能○守○終○為○我○物○上○策○也○群○議○不○以○為○然○
帝○從○群○議○遣○長○孫○嵩○拒○之○戰○于○畔○城○為○晉○將○朱○超○石○
所○敗○帝○恨○不○用○浩○言○因○問○浩○曰○裕○西○伐○已○至○潼○關○卿○
觀○事○得○濟○否○浩○曰○姚○興○好○養○虛○名○而○無○實○用○子○泓○又○
病○衆○叛○親○離○裕○乘○其○危○亡○兵○精○將○廣○克○之○必○矣○已○而○
裕○果○滅○姚○氏○帝○曰○裕○已○入○關○不○能○進○不○能○退○我○遣○精○

悔之晚矣

看得定

兵○南○襲○畔○城○壽○春○裕○亦○何○能○自○立○浩○曰○今○西○北○三○寇○
未○殄○陛○下○不○可○親○御○六○師○長○孫○嵩○有○經○國○之○用○無○進○
取○之○能○非○劉○裕○敵○也○臣○謂○待○之○不○晚○帝○笑○曰○卿○量○之○
已○審○矣○既○而○宋○武○帝○劉○裕○殂○帝○欲○取○洛○陽○武○牢○滑○臺○
浩○曰○春○秋○晉○士○句○侵○齊○聞○齊○侯○卒○乃○還○君○子○大○其○不○
伐○喪○今○國○家○不○能○一○舉○而○定○江○南○宜○遣○人○弔○祭○恤○其○
凶○災○布○義○於○天○下○令○德○之○事○也○且○裕○新○死○黨○與○未○離○
不○如○緩○之○待○其○惡○稔○然○後○命○將○揚○威○可○不○勞○士○卒○而○
收○淮○北○之○地○帝○銳○意○南○伐○因○語○浩○曰○劉○裕○既○因○姚○興○

死而滅其國。裕死我伐之。何為不可。遂遣奚斤等南伐。斤請後畧地。先攻城。浩曰：南人長于固守。今以大國之力攻其小城。若不特克。挫損軍勢。危道也。不如分軍畧地。至淮列置守宰。收斂租穀。滑臺武牢。反在軍北。絕望南救。必沿河東走。若或不然。即為圍中之物。長孫嵩請先圖其城。斤等濟河。先攻滑臺。經時不拔。左右忌浩正直。共排毀之。帝雖知其能。阻于群議。故遣歸第。有疑議。則召問焉。時議欲伐赫連昌。群臣皆以為難。惟浩曰：往年以來。熒惑再守。羽林越鈞。陳

大善在此

為將要此議此

其占秦亡。又今年五星並出東方。利於西伐。天應人和。時會並集。不可不進。帝乃使奚斤等擊蒲坂。而親率輕騎掠其都城。大獲而還。後復擊昌。次其城下。收衆偽退。昌鼓譟而前。舒陳為兩翼。會有風雨。從東南來。揚沙昏暝。宦者趙侃進曰：今風雨從賊後來。我向彼背。天不助人。願陛下攝騎避之。更待後日。浩叱之曰：是何言歟。千里制勝。一日之中。豈得變易。賊前行不止。後已離絕。宜分軍隱山掩擊。不意風道在人。豈有常也。帝曰：善。分騎奮擊。昌軍大潰。議擊蠕蠕。朝臣

只就兵勢論大是

盡不欲行○惟浩贊成之○赫連降○太史張深因說帝曰○
 今年巳巳○三陰之歲○歲星襲月○太白在西方○不可舉
 兵○北伐必敗○帝意不決○召浩與辨○浩因難深曰○陽者
 德也○陰者刑也○故月蝕○修刑○夫王者之用刑○大則陳
 之原野○小則肆之市朝○戰伐者用刑之大者也○以此
 言之○三陰用兵○蓋得其類○修刑之義也○歲星襲月○年
 饑○人流○應在他國○太白行蒼龍宿于天文○為東○不妨
 北伐○深等俗生○志意淺近○牽于術數○不達大體○難與
 遠圖○况比年以來○月行掩昴○至今猶然○其占大破旄
 何獨○

更○解○得○明

更○解○得○明

頭之國○蠕蠕高車旄頭之國○衆也○一曰陛下勿疑○帝大
 悅○謂公卿曰○吾意決矣○亡國之臣○不可與謀信哉○或
 尤浩曰○吳賊侵南○舍之北伐○師行千里○其誰不知○蠕
 蠕遠遁○前無所獲○後有南侵之患○此危道也○浩曰○今
 年不摧蠕蠕○則無以禦南賊○自國家并西國以來○南
 人恐懼○揚聲動衆○以衛淮北○彼北我南○彼安我息○其
 勢然矣○且蠕蠕恃遠○謂國家力不能至○自寬已久○故
 夏則散衆放牧○秋肥乃聚○背寒向溫○南來寇抄○今掩
 其不備○大軍卒至○必驚駭奔走○可一舉而滅○時不可

失○遂○行○及○軍○至○其○境○蠕○蠕○久○不○設○備○於○是○分○軍○搜○討○
東○西○五○千○里○南○北○三○千○里○所○擄○獲○數○百○萬○高○車○殺○蠕○
蠕○種○類○歸○降○者○三○十○餘○萬○大○軍○既○還○南○軍○卒○不○能○動○
如○浩○所○料○太○武○賜○高○車○渠○帥○酒○食○因○指○浩○示○之○曰○此○
魏○主○知○浩○亦○不○淺○尚○往○也○子○群○議○真○不○可○解○
人○織○屨○懦○弱○手○不○能○彎○弓○持○矛○其○胸○中○所○懷○乃○踰○于○
甲○兵○朕○前○後○克○捷○皆○此○人○導○我○今○至○此○矣○俄○而○南○藩○
諸○將○表○宋○師○欲○犯○河○北○請○兵○三○萬○先○其○未○伐○逆○擊○之○
浩○曰○此○不○可○從○也○往○年○國○家○大○破○蠕○蠕○馬○力○有○餘○南○
賊○喪○膽○常○恐○輕○兵○奄○至○故○揚○聲○動○衆○以○備○不○虞○非○敢○

先○發○也○又○南○土○下○濕○夏○月○暑○蒸○非○行○師○之○時○若○往○逆○
擊○之○彼○先○嚴○有○備○必○堅○城○固○守○未○見○其○利○就○使○能○來○
待○其○勞○倦○秋○涼○馬○肥○因○敵○取○食○徐○往○擊○之○萬○全○之○利○
也○帝○從○浩○議○南○鎮○諸○將○恐○賊○至○自○陳○兵○少○求○簡○幽○州○
以○南○戍○兵○佐○守○就○漳○水○造○船○嚴○以○為○備○公○卿○僉○議○以○
為○然○浩○曰○非○上○策○也○若○然○則○彼○聞○幽○州○以○南○精○兵○悉○
發○大○造○舟○船○輕○騎○在○後○必○舉○國○駭○擾○懼○於○滅○亡○當○悉○
勢○所○必○至○
發○精○銳○來○備○此○境○後○審○知○官○軍○有○聲○無○實○恃○其○先○聚○
必○喜○而○前○行○徑○來○至○河○肆○其○侵○暴○是○所○謂○張○虛○聲○而○

受實禍也。浩又陳天時不利。今害氣在揚州。不宜先舉兵一也。午歲自刑。先發者傷二也。日蝕滅光。晝昏星見。飛鳥墜落。宿當斗牛。憂在危亡三也。熒惑伏匿于冀軫。戒亂及喪四也。太白未出。進兵者敗五也。夫與國之君。先修人事。次盡地利。後觀天時。故萬舉而萬全。今宋新國。是人事未周也。災變屢見。是天時不協也。舟行水涸。是地利不盡也。三事無一成。自守猶或不安。何得先發而攻人哉。帝不能違衆。遂遣陽平王杜超、鎮鄴、瑯琊、玉司馬楚等屯潁州。於是寇來遂

疾。帝又將討蠕蠕。劉潔復致異議。帝召浩問之。浩曰：北土多積雪。至冬時常避寒南徙。若因時潛軍而出。必與之遇。遇則可擒矣。帝以為然。乃分軍四道。令諸將俱會鹿渾海。期日有定。而潔恨已。議不用。遂沮誤諸將。無功而還。帝西巡。親圍叛賊薛末宗壘。出兵欲戰。因問浩曰：此賊今日可擊否。浩曰：末宗此時尚未知陛下自至。人心安固。北風迅疾。宜急擊之。須臾必破。若待明日。恐見官軍盛大。必夜遁走。帝從之。末宗潰滅。車駕濟河。前驅告賊在渭北。帝至洛水橋。賊已

遇原不穩

又六差

此別二定

夜遁詔問浩曰蓋吳在長安北九十里渭北地空穀
草不備欲渡渭南西行何如浩曰蓋吳營去此六十
里賊魁所在擊蛇之法當先破頭頭破則尾豈能動
宜乘勝從北道先擊吳令軍往一日便到吳平之後
廻向長安亦一日而至一日之乏未便損傷懸講宜
從北道若從南道則蓋吳躋入北山卒未可平帝不
從乃渡渭南吳聞帝至盡散入北山果如浩言軍無
所克帝悔之後因讒誅浩

斷曰

崔浩學士為魏主謀劉裕假道請假以舟衆議逆
戰戰敗悔羞劉裕新喪欲伐復仇浩請畧地衆欲
城求經時不拔忌浩諧勾赫連可伐衆轉夷猶力
請掩擊功力坐收蠕蠕之舉盡獻上猷惟浩占象
大破旄頭帝從往伐所獲山丘鎮兵怯守防兵欲
周浩曰防急招寇為憂大小百計皆浩運籌如言
而用用無不酬奈何讒譖不得自由及其死也方
悔方尤

于謹

于謹字思恭河南洛陽人也。好孫子兵書，屏居閭里。及元纂討蠕蠕，宿聞謹名，辟為鎧曹從事。令率二千騎往追蠕蠕，前後十七戰，盡降其衆。嘗為賊所圍，謹所乘駿馬一紫，一騮，賊所素識，乃使二人各乘一馬。○此○在○倉○突陣而出，賊以為謹也，皆爭逐之。謹率餘軍擊追騎，乃得入塞。時魏末喪亂，群盜蜂起，謹解諸國語，乃單馳入賊中，示以恩信。於是西鄙鐵勒酋長七列河等三萬餘戶並款附。魏帝嘉之，除積射將軍，又隨廣陽王元深討鮮于修禮，停車中山，待中元晏言于靈太

后曰：廣陽王以宗室至親，受律專征，乃盤桓不進，坐圖非望。又有于謹為其謀主，恐非陛下純臣。靈太后乃立榜募獲謹者，重賞。謹聞之，因謂廣陽曰：今女主臨朝，取信讒佞，苟不明白，殿下素心便恐禍至。謹請束身詣闕，歸罪有司。元深許之。謹遂到榜下，曰：吾知○是○此人衆詰之。謹曰：我即是矣。有司以聞。靈太后怒而引見之。謹因述廣陽忠款，并陳停軍之狀。靈太后意○是○其○功○解捨之。及賀拔岳被害，周文赴平涼，謹乃言于周文曰：魏祚凌遲，權臣擅命，明公負超世之資，懷濟世之

畧遠近歸心願早建良圖以副衆望周文曰何以言
之謹曰關中秦漢舊都昔稱天府今若據其要害招
集英雄足觀時變且天子在洛逼近群凶若明公請
都關右帝必喜而遷然後挾天子以令諸侯奉王命
以討亂桓公之業千載一時也周文大悅會有勅進
謹爲關內大都督謹因進都關中策魏帝納之既而
齊神武還洛陽謹從魏帝西遷仍從周文攻邙山邙
山之役大軍不利謹率其麾下僞降立于道左齊神
武乘勝逐北不以爲虞追騎過盡謹乃自後擊之齊

所謂此不意

軍亂以此大軍得全進位柱國大將軍初梁元帝平
侯景之後於江陵嗣位密與齊氏通使將謀侵軼其
兄子譽時爲雍州刺史以梁元帝殺其兄譽遂結仇
隙據襄陽來附因請王師乃令謹率衆出討周文錢
於青泥谷長孫儉問謹曰爲蕭繹之計將欲如何謹
曰耀兵漢沔席卷渡江南據丹陽是其上策移郭內
居人退保子城峻其陴堞以待援至是其中策若難
於移動據守羅郭是其下策儉曰揣繹定出何策謹
曰必用其下策儉曰彼棄上而用下何也謹曰蕭氏

保據江南綿歷數紀屬中原多故未遑外畧又以我
有齊氏之患謂力不能分且繹儒而無謀多謀少斷
愚民皆戀邑居惡于動移所以用其下策謹乃遣將
先據江津斷其走路梁人立木柵于外城廣輪六十
里謹至悉衆圍之旬有六日外城遂陷翌日面縛而
降殺之立蕭譽為梁王振旅而還周文親至其第宴
語極歡謹自以望隆位重願保優閒乃先上其所乘
駿馬及所著鎧甲周文識其意乃曰巨猾未平公豈
得便爾獨善遂不受後以疾薨謹有智謀善于事上

名位愈重可為功臣之法存謙抑每朝參往來從不過三兩騎而
已朝廷凡有軍國之務多與謹決之謹亦竭其智能
功臣之中特見委信終始若一人無間言

斷曰

于謹為將才智相兼被圍棄馬方自保全善諸國
語賊中周全三萬餘戶一旦附焉廣陽被譖並謹
禍連謹赴榜下見后訴寃訴王忠款后方釋然周
文超世于謹素瞻關中天府秦漢所先周文信悅
偕攻却山戰齊不利偽降道邊大軍過盡後擊以

權命征蕭繹。決策于前。謂出下策。果應其言。功成。謝事。君臣何嫌。為將若此。方可謂賢。

北朝齊

斛律光

斛律光。字明月。金之子也。年十七。為齊都督。見鵬飛。雲表射中頸。旋轉而下。時號落鵬都督。齊受禪。進爵。鉅鹿郡公。周大司馬尉遲迥。王雄等眾十萬攻洛陽。光率騎五萬戰于邙山。迥等大敗。光親射雄殺之餘。僅身免。初文宣時。周人常懼齊兵之西渡。恒以冬月。

守河。椎冰及帝即位。朝政漸紊。齊人椎冰。懼周兵之。

志在此

逼光。憂曰。周家常有吞關隴之志。今日至此。而惟玩。

聲色。周軍圍洛陽。壅絕糧道。詔光禦之。鋒刃纔交。周。

才勇在此

人大潰。詔加右丞相。又率眾築平隴等鎮。韋孝寬等。

來逼平隴。光與戰于汾水。大破之。周遣將圍宜陽。光。

率步騎五萬戰于城下。取周建安等四戍。捕千餘人。

而還。帝賜提婆晉陽田。光言於朝曰。此田神武以來。

忠又在

常種禾。飼馬。今賜人無乃闕軍務乎。每行兵用胡人。

卜法吉凶無不中。軍營未定。終不入幕。或終日不坐。

身不脫介冑常為士卒先有罪者惟大杖笞背未嘗
妄殺衆樂為之死拓地五百里未嘗伐功自結髮從
軍未嘗失律深為鄰敵所憚後遭讒被殺血流于地
經久不滅周武帝聞光死遂復入鄴曰光若在朕豈
得至鄴

斷曰

律光何人落鵬都督北齊受禪進爵鉅鹿周將來
攻斬如破竹再圍洛陽壅絕糧穀奉詔禦之禦之
甚速鋒刃纔交敵先屠戮既破汾水宜陽又逐結

髮從軍未嘗挫辱獨恨主愚讒言太毒無故遭誅
令人痛哭

北朝周

宇文憲

宇文憲周諸子也性通敏有度量文帝常賜諸子良
馬惟其所擇憲獨取駿者帝怪問之對曰馬色類既

便○有○分○曉

殊或多駿逸若從征伐牧圍攸分帝喜曰此兒智識
不凡當成重器初平蜀諸子中欲有推擇因徧問誰
欲此行並不及對而憲先請憲時年十六文帝曰刺

史當撫衆臨人非爾所及○憲曰才用殊不關大小○試○
 而無効○甘受面欺○文帝以憲年幼○尚未之遣○及明帝○
 即位○追遵先旨○故授益州總管○憲至善○于撫綏○留心○
 政術○辭訟輻輳○聽受不疲○蜀人悅之○齊將獨孤末業○
 來寇○詔憲出宜陽○絕其糧道○齊將斛律明月築壘洛○
 南○憲涉洛邀之○明月遁走○明月又于汾北築城西至○
 龍門○晉公護問計于憲○憲曰兄宜暫出同州爲威容○
 憲請以精兵居前○隨機攻取○憲率衆出自龍門○齊軍○
 宵遁○憲乃渡河○攻其伏龍等四城○二日盡拔○憲嘗以○

兵書繁○與自刊爲要畧五篇○表陳之○帝覽而稱善○帝○
 寢疾○衛王直於京師舉兵○帝召憲謂曰○汝爲前軍○吾○
 亦續發○直尋敗走○帝至京師○憲與趙王入拜相○帝曰○
 管蔡爲戮○周公作輔○人心不同○有如其面○但愧兄弟○
 親尋干戈○於我爲不能耳○帝親圍晉州○憲進克洪洞○
 永安二城○更圖進取○齊主聞晉州見圍○自來援之時○
 陳王純屯千里徑○末昌公椿屯鷄栖原○大將軍宇文○
 盛守汾水○並受憲節度○憲密謂椿曰○兵者詭道○汝今○
 爲營○不須張幕○可伐相爲庵○持有處所○令兵去之日○

○營○始○立○早○爲○後○計○謂○慮○之○遠○也○
 北朝周

賊猶致疑時齊主分軍萬人向千里徑又令其衆出汾水關自率大兵與椿對會椿被勅追還率兵夜反齊人果謂柘庵為帳幕不疑軍退翊日始悟時帝已去晉州留憲後拒憲阻水為陣齊領軍段暢追至橋隔水問憲姓名憲曰吾乃大都督宇文憲也暢即揚鞭去不敢追憲即命還軍齊人遽追之戈甲甚銳憲為殿拒之斬其驍將齊退帝又命憲文晉州諸軍總集稍逼城下齊人大陣于城南帝召憲馳往觀之憲及命曰請破之○看○之○矣而後食帝悅既而諸軍俱進應時大潰齊王遁走齊任城王湝廣寧王孝珩等守信陽復詔憲討之憲軍過趙州湝令間諜二人覘之候騎執以白憲憲乃集齊舊將徧示之曰吾所爭者大不在汝等○壓○之○耳即放還反令充使乃與湝書憲至信都擒湝及孝珩等憲善兵謀長于撫馭摧鋒陷陣為士卒先齊人憚其勇略

斷曰

憲周諸子度量不群文帝賜馬取駁為馴色既出類牧圉又分帝喜智識迥不猶人撫蜀擇守憲即

自任既而受命綏果得民屢與晉戰戰必立勳或
行詭道或以名聞或請破敵頃刻而奔就間用間
妙若轉輪為將若此可謂入神

韋孝寬

韋孝寬名叔裕以字行京兆杜陵人也弱冠時蕭寶
寅作亂乃詣闕請為前驅朝廷嘉之即拜統軍隨長
孫承業西征每戰有功後令孝寬行宜陽郡事是歲
東魏將段琛復據宜陽遣揚州刺史牛道常扇誘邊
人孝寬深患之乃遣謀人訪道常手跡令善作書者

偽作道常與孝寬書論歸欵意又為落燼燒跡若火

下書者還令謀人送于琛營琛得書果疑道常經畧

皆不見用孝寬知其離開因出奇兵掩襲擒道常及

琛等峭澗遂清尋移鎮玉壁齊神武高歡傾東山之

眾志圖西入以玉壁衝要先命攻之乃于城南起土

山欲乘之以入當其山處城上先有兩高樓孝寬更

縛木接之令極高峻多積戰具以禦之齊神武使詔

城中曰縱爾縛樓至天我會穿城取耳遂于城南鑿

地道又于城北起土山攻具晝夜不息孝寬復掘長

塹要其地道仍簡戰士屯塹城外每穿至塹戰士即
 擒殺之又于塹外積柴貯火敵人有在地道內者便
○應○得○尤○妙○
 下柴火以皮排吹之火氣一衝咸即灼爛城外又造
 攻車車之所及莫不摧毀雖有排楯莫之能抗孝寬
○應○得○又○妙○
 乃縫布為縵隨其所向則張設之布垂于空中其車
 終不能壞城外又縛松子竿灌油加火規以燒布并
 欲焚樓孝寬復作長鐵鈎利其鋒刃大竿一來以鈎
○應○得○又○妙○
 遙割之松麻俱落城外又于城四面穿地作二十一
 道分為四路于其中各施梁柱作訖以油灌柱放火

燒之柱折城并崩壞孝寬又隨崩處立木柵杆之敵
○攻○得○亦○惡○
 不得入城外盡攻擊之術孝寬咸拒破之神武無如
 之何乃遣叅軍祖孝正謂孝寬曰未聞救兵何不降
○其○言○瀟○灑○
 也孝寬報曰我城池嚴固兵食有餘攻者自勞守者
○有○他○說○處○
 常逸孝寬關西男子必不為降將軍也祖孝正因又
 射募格於城中曰能斬城主降者拜太尉封開國郡
○答○得○更○妙○
 公邑萬戶賞帛萬疋孝寬手題書背反射城外云若
 有斬高歡者亦依此賞神武苦戰六旬傷及死病者
 十四五智力俱困因而發疾其夜遁去遂殂周文帝

嘉其功授大將軍開府儀同三司賜姓宇文氏還鎮
 玉壁孝寬善于撫御能得人心所遣間諜入齊者皆
 為盡力亦有齊人得孝寬金貨遙通書疏故齊人動
 靜朝廷皆先知時有主帥許盆孝寬託以心膂令守
 城盆乃以城東反孝寬怒遣謀取之俄而斬盆首以
 還其能致物情如此汾州之北離石以南悉是生胡
 抄掠孝寬深患之而地入于齊無可誅翦欲當其要
 處置一大城因遣姚岳監築之岳以兵少為懼孝寬
 曰計此城十日即畢此去晉州四百餘里一日創手

二日偽境始知設令召兵三日方集謀議之間自稽

三日軍行非二日不到我之城隍足以辦矣乃令築

之齊人果至南首疑有大軍停留不進孝寬又令諸

山所在縱火齊人謂是軍營收兵自固孝寬板築克

就卒如其言宜陽被圍孝寬謂將帥曰宜陽一城未

能損益然兩國爭之勞師數載彼多君子寧乏謀猷

若棄嶠東來圍汾北我之疆界必見侵擾今宜于華

谷及長秋速築城以杜賊志脫其先我圖之實難于

是畫地形具陳其狀事不行齊人果解宜陽之圍經

先○莫○定○故○能○成○功

畧汾北遂築城守之齊丞相斛律明月至汾東謂孝
 寬曰宜陽小城久勞爭戰今既入彼欲於汾北取償
 幸勿怪也孝寬曰宜陽彼之衝要汾北我之所棄我
 棄彼圖取償安在且君輔翼幼主位重望隆理宜調
 陰陽撫百姓焉用極武窮兵構怨連禍苟貪尋常之
 地塗炭疲弊之人竊為君不取也孝寬參軍曲嚴頗
 知卜筮謂孝寬曰來年東朝必大相殺戮孝寬因令
 嚴作謠歌曰百升飛上天百升指斛也明月照長安令謀
 人多傳此文於鄴斛律明月遂果被誅武帝志在平

齊孝寬上三策第一策欲出軹關厚集諸軍百道並
 進第二策欲廣儲蓄募勇悍以觀變第三策欲結鄰
 好待時而動武帝用其第三策遣使重幣聘齊後遂
 大舉而定山東卒如其言孝寬鎮玉壁武帝東巡過
 之孝寬自以習練齊人虛實請為前驅武帝以玉壁
 要衝非孝寬無以鎮之不許及趙王招率兵出稽胡
 與大軍犄角乃敕孝寬為行軍總管固守華谷以應
 接之孝寬克其四城因隨駕還京進位上柱國後尉
 遲迴先為相州總管詔孝寬代之又以小司徒叱列

長文爲相州刺史先令赴鄴孝寬續進至朝歌○迺先遣大都督賀蘭貴齎書候孝寬○孝寬留貴與語以察○之疑其有變遂稱疾徐行又使人至相州求醫藥密○以伺之既到湯陰逢長文奔還孝寬審知其狀乃馳還所經橋道皆令毀撤驛馬悉擁以自隨又諭驛將曰蜀公將至可多備肴酒芻粟以待之迺先果遣梁子康將數百騎追孝寬驛司供役豐厚所經之處皆輒停留遂追不及詔發關中兵以孝寬爲元帥東伐進次懷縣末橋城之東南其城既在衝要雉堞堅固

迺先遣兵據之諸將皆曰此城當路請先攻取孝寬曰城小而固若攻而不破損我軍威今破其大軍此亦何能爲也於是引軍次於武陵大破迺先子惇惇輕騎奔鄴因軍進次於鄴迺先自出戰又大破之迺先窮而自殺關東悉平孝寬屢抗強敵有功凡所經畧布置之物人莫之解見其成事方乃驚服

斷曰

周將孝寬關西男子離間敵人只須一紙齊君恃強玉壘兵起遍地橫戈沿城立壘孝寬守之氣不

少靡外築山攻內接樓以抵外挖地穿內抉塹止外
立竿燒內置鈎毀百計摧殘千方料理相拒六旬
未加一矢無奈遁歸殂而已矣汾北離南胡屯蜂
蟻高築一城遂分彼此斛律將兵爲齊所倚間以
歌謠因而誅死三策平齊四城戰圯大破迴先功
殊足紀所以英名標之青史

新鐫旁批詳註總斷廣名將譜卷之九

古閩黃道周石齋父註斷

楊素

楊素字處道弘農華陰人也少有大志好學善屬文
初事周帝命爲詔書下筆立成詞意甚美帝嘉之謂
素曰善自勉之勿憂不富貴素應聲荅曰臣但恐富
貴來逼臣臣無心圖富貴及隋主受禪素數進取陳
之計未幾拜信州總管因而遣之素乃造大艦名曰

○膽○亦○見○應○變○之○才○

○大○言○有○

五牙上起樓五層高百餘尺左右前後置六栢竿並
高五十尺容戰士八百人旗幟加於上次曰黃龍置
兵百人其餘平乘舫艦各有差及大舉伐陳以素為
行軍元帥引舟師趣三峽軍至流頭灘陳將戚欣以
青龍百餘艘屯兵數千人守狼尾灘以遏軍路其地
險峭諸將患之素曰勝負大計在此一舉○慮○得○極○是○晝日下船
彼見我灘流迅激制不由人則吾失其便乃以夜掩
之素親率黃龍千艘啣枚而下又遣開府王長襲引
步卒從南岫擊欣別柵又遣大將劉仁恩率甲騎趣

白沙北岸遲明而至擊之欣敗走悉擄其衆勞而遣
之秋毫不犯陳人大悅素水軍東下舳艦蔽江旌甲
耀日素坐平乘大船容貌雄偉陳人望之懼曰清河
公即江神也陳內史呂仲蕭屯岐亭正據江峽鑿巖
綴鐵鎖三條橫絕上流以遏戰船素與仁恩登陸俱
發先攻其柵仲蕭軍夜潰素乃徐去其鎖仲蕭復據
荆門之延州素遣巴蜒率千人乘五牙四艘以栢檣
碎賊十餘艦遂大破之俘甲士二千餘人仲蕭僅以
身免突厥達頭可汗犯塞以素為靈州總管出塞討

之先是諸將與敵戰慮胡騎奔突皆以戎車步騎相
叅舉鹿角爲方陣騎在其內素曰此乃自固之道非
○累○者○不○能○
○非○深○知○方○

取勝之方也於是悉除舊法令諸軍爲騎陣達頭聞
之喜曰此天賜我也率精騎十餘萬至素奮擊大破
之達頭被重創而遁殺傷不可勝計素出靈州擊突
厥突厥敗走素率騎追躡至夜及之將復戰恐賊越
逸令其騎稍後乃親將兩騎并降突厥二人與敵並
行不之覺也候其頓舍未定乃越後騎掩擊大破之
自是突厥遠遁積南無復口庭漢王諒及先遣茹茹

天保來據蒲州燒斷河橋又遣天賜子并力拒守素
將輕騎五千人襲擊之天保敗走聃子懼而以城降
有詔召還初素將行也計日破賊皆如所言帝因以
素爲并州行軍總管率衆討諒時晉絳呂三州並爲
諒城守素各以二千人縻之而去諒復遣趙子開擁
衆十餘萬柵絕徑路屯據高壁布陣五十里素令諸
將以兵臨之自引奇兵潛入霍山緣崖谷而進直指
其營一戰破之殺傷甚衆遂進逼并州諒窮蹙出降
餘黨悉平素多權畧乘機赴敵應變無方大抵治軍

嚴整有犯軍令者立斬之無貸如此嚴每將臨寇輒求人過

克而行軍亦是法

失斬之多者百餘人少不下十數流血盈前言笑自

若及對陣先令一二百人赴敵陷陣則已如不陷陣

而還無問多寡悉斬之又令二三百人復進還如前

法將士股慄有必死之心故戰無不克稱為名將從

素征伐者微功必錄至於他將雖有大功多為文吏

所譴素時貴幸言無不從故素雖嚴刻士亦以此願

從焉大業元年遷尚書令卒

斷曰

楊素何恐富貴逼臣隋主受禪力請伐陳造作大

艦填江塞津步卒南岸擊走戚欣浮江而下望若

天神秋毫不犯大悅陳人達頭犯塞騎陣擊奔追

躡突厥急恐紛紜使其頓舍一掃如雲漢王諒反

屢戰立勲最有權術嚴于治軍盈前流血言笑自

尊臣才美矣但不至純

長孫晟

長孫晟字季晟善彈工射趨捷過人初未知名惟隋

文帝一見即謂人曰長生郎武藝超群言多奇畧後

之名將非此子耶。周宣帝時，突厥攝圖請婚，帝以趙王招女妻之。遣晟送至其牙，前後使人數十輩，攝圖多不禮。見晟而獨愛焉。每共遊獵，嘗有二鵬飛而爭肉，因以兩箭授晟射之。晟彎弓馳往，遂一發而雙貫焉。攝圖喜，命諸子弟貴人皆昵近之，以學彈射其弟。處羅侯號突利，設尤得衆心，而為攝圖所忌，密托心腹陰與晟盟。晟與之遊獵，因察其山川形勢，部衆強弱，而盡知之。時文帝作周相，晟以狀白文帝。文帝大喜，至隋得天下，開皇元年，攝圖乃曰：我周家親也。今

隋公自立而不能制，復何面目見可賀敦乎？因攻陷臨渝鎮，約諸面部落謀共南侵。文帝新立，由是大懼，修築長城，發兵屯北境，以為之備。晟先知攝圖玷厥阿波突利等叔姪兄弟各統強兵，俱號可汗，分居四面。內懷猜忌，外示和同，難以力征，易於離間。因上書曰：臣於周末，忝充外使，胡騎倚伏，實所具知。玷厥之於攝圖，兵強而位下，外名相屬，內隙已彰。鼓動其情，必將自戰。又處羅侯者，攝圖之弟，奸多而勢弱，曲取衆心，國人愛之，因為攝圖所忌，其心殊不自安。迹示

彌縫實懷疑懼。又阿波首鼠介在其間。頗畏攝圖受其牽率。惟強是與。未有定心。今宜遠交而近攻。離強而合弱。通玷厥說。合阿波則攝圖迴兵自防。右地又引處羅。遣連奚霫。則攝圖還備左方。首尾猜嫌。腹心離阻。十數年後。承釁討之。可一舉而定其國矣。上省表大悅。因召與語。晟復口陳形勢。手畫山川。寫其虛實。皆如目覩。上深加嗟異。皆納用焉。因遣使詣玷厥。賜以狼頭纛。謬為欽敬。玷厥使來。引居攝圖使上。反間既行。果相猜貳。授晟車騎將軍。出黃龍道。賫幣賜

此○策○寔○有○計○

奚霫契丹等。遣為鄉導。得至處羅侯所。深布腹心。誘令內附。二年。攝圖四十萬騎自蘭州入。至於周盤破。達奚長儒軍更欲南入。玷厥不從。引兵而去。時晟又說染干。詐告攝圖曰。鐵勒等反。欲襲其牙。攝圖乃懼。回兵出塞。既而攝圖死。遣晟持節拜其弟處羅侯為莫何可汗。染干者。處羅侯之子也。乞通婚許之。晟因說染干。率眾南徙。居度斤舊鎮。雍閭疾之。亟來抄略。染干伺知動靜。輒遣奏聞。是以賊來。每先有備。晟又覘知雍閭牙內。屢有災變。夜見赤虹。光照數百里。天

○妙○在○有○備○無○患○

狗賈雨血三日。流星墜其營內。有聲如雷。每夜自驚。言隋師且至。晟因請出討突厥。都速等歸染干。前後至者男女萬餘人。晟皆安置之。由是突厥悅附。尋以染干為啓人。可汗賜射於武安殿。選善射者十二人。分為兩朋。啓人曰。臣由長孫大使得見天子。今日賜射。願入其朋。許之。給晟箭六弓。發皆入麀。啓人之朋。卒勝。時有鳶群飛上。曰。公善彈。為我取之。十發皆中。並應丸而落。是日百官獲資。晟獨居多。尋又詔晟取晉王節度。出討達頭。晟進策曰。突厥飲泉。易可行。毒因

牌有○成○筭○

絕○技○

取諸藥毒水。上流達頭。人馬飲之多死。於是大驚。曰。天雨毒水。其亡我乎。因夜遁。晟追之。斬首千餘級。晉王大喜。引晟入內。同宴極歡。有突厥達官來降。時亦預坐。言突厥之內。大畏長孫總管。聞其弓聲。謂為霹靂。兄其走馬。稱為閃電。王笑曰。將軍震怒。威行域外。遂與雷霆為比。一何壯哉。復遣還大利城。安撫新附。仁壽元年。晟表奏曰。臣夜登城。望見磧北有赤氣長百餘里。皆如兩足下垂。彼地謹驗兵書。此名洒血。其下之國必且破亡。欲滅此輩。宜在今日。因詔楊素為

不但○勇○而且○通天○文○真○全○材

也

隋

行軍元帥晟爲受降使者送染干北伐達頭衆大潰西奔吐谷渾晟亦以病卒後突厥圍鴈門帝歎曰若長孫晟在不令胡人至此

斷曰

長孫工射一貫雙鴨處羅有識審與之文出用形勢因而昭昭隋有天下攝圖牢騷南侵合衆勢盛難消隋主大懼築城阻撓晟因書啓胡衆最豪兵力難制離間易挑上悅其計賜蠶以驕再引使上疑貳已牢鐵勒反告能不驚逃染干婚後警振奏朝賜射鳶落獲賚獨饒毒流破敵聲比雷高受降再出早死于勞若使長在許誰咆號

韓擒

韓擒字子通河東垣人也少慷慨以膽畧見稱周太祖見而異之及武帝伐齊齊將獨孤末業守金墉城擒說下之開皇初隋高祖潛有吞并江南之志以擒有文武才用拜爲廬州總管委以平陳之任甚爲敵人所憚及大舉伐陳以擒爲先鋒擒率五百人宵濟襲采石守者皆醉擒遂取之進攻姑孰半日而拔次

於新林江南父老素仰其威信來謁書夜不絕陳人

大駭陳叔寶遣領軍蔡徵守朱雀航聞擒將至衆懼

稱良將

而潰任蠻奴爲賀若弼所敗棄軍降于擒擒以精騎

五百直入朱雀門陳人欲戰蠻奴攜之曰老夫尚降

諸軍何事衆皆散走遂平金陵執陳叔寶賀若弼與

擒爭功于上前弼曰臣在蔣山死戰破其銳卒擒其

良將妙在不戰而勝

驍將震揚威武遂平陳國韓擒豎不交戰豈臣之比

擒曰本奉明旨令臣與弼同時合勢以取僞都乃敢

先期逢賊便戰令將士死傷甚多臣以輕騎五百兵

不血刃直取金陵降任蠻奴執陳叔寶據其府庫傾

其巢穴弼至夕方叩北掖門臣啓關而納之斯乃救

罪不暇安敢與臣相比上曰二將俱合上勲擒遂進

仗上柱國先是江東有謠歌曰黃斑青驄馬發自壽

陽浹來時冬氣末去日春風始皆不知所謂擒本名

虎平陳之際又乘青驄馬往反時節與歌相應至是

方悟其後突厥來朝上謂之曰汝聞江南有陳國天

子乎對曰聞之上命左右引突厥詣擒前曰此是執

得陳國天子者擒厲然顧之突厥惶懼不敢仰視無

何其隣母見擒門下儀衛甚盛有同王者異而問之
其人曰我來迎王忽然不見又有人疾篤忽驚走至
擒家曰欲謁王左右問曰何王荅曰閻羅王子弟欲
捷之擒止之曰生為上柱國死為閻羅王斯亦足矣
寢疾數日卒

斷曰

韓擒隋將膽畧不磨平陳既任慷慨操戈采石宵
濟金陵暮過蠻奴降伏陳主手摩功與弼較方知
其多黃斑有識青驄應歌突厥識面仰視敢麼生

為杜國死作閻羅斯亦足矣更想誰何

賀若弼

賀若弼字輔伯河南確陽人也驍勇使弓馬隋高祖
受禪陰有并江南之志訪可任事高頴曰文武才幹
無出賀若弼者高祖曰公得之矣於是拜弼為吳州
總管委以平陳之事弼欣然以為已任與壽州總管
源雄並為重鎮弼遺雄詩曰交河驃騎幕合浦伏波
營勿使麒麟上無我二人名獻取陳十策上稱善開
皇九年大舉伐陳先是弼請緣江防人每交代之際

必集歷陽大列旗幟營幕蔽野陳人以為大兵至悉發國中士馬既而知防人交代其衆復散後以為常不復設備及若弼以大軍濟江陳人弗之覺也因襲南徐州拔之軍令嚴肅有軍士于民間酤酒弼立斬之進屯蔣山陳將魯廣達任蠻奴田端蕭摩訶等以勁兵拒戰田端先犯弼軍弼擊走之廣達等相繼進進弼軍因而屢却揣知其驕士卒且惰乃督勵將士殊死而戰遂大破之麾下擒摩訶至弼釋而禮之遂從北掖門而入時韓擒虎執陳叔寶弼至呼寶視之

叔寶股慄再拜弼謂之曰小國之君當大國卿拜禮也入朝不失作歸命侯無勞恐懼弼自以功名出朝臣之右每以宰相自許既而楊素為僕射弼仍為將軍甚不平形於言色由是免官弼怨望愈甚後數年下弼獄除名為民歲餘復其爵位上亦忌之不復任使嘗遇突厥入朝上賜之射突厥一發中的上曰非賀若弼無能當此於是命弼弼既射亦一發中的上大悅顧謂突厥曰此人天賜我也煬帝之在東宮嘗謂弼曰楊素韓擒虎萬歲三人俱稱良將其間優劣

何如弼曰楊素是猛將非謀將韓擒是鬪將非領將
 史萬歲是騎將非大將太子曰然則大將誰也弼曰
妄尊自大不免滅亡
 惟殿下所擇弼意自許為大將煬帝卽位尤踈忌大
 業三年終坐誅

斷曰

隋主選將文武欲俱除去若弼更有誰如所以委
 任平陳是圖防人交代炫幟耀旗驚而細視認常
 認虛及至大舉安然長驅蔣山大戰不戮不辱直
 入北掖叔寶已俘功名赫赫宰相所娛將軍如故
 能不嘯嘯怨望下獄一旦名除後雖復爵疑忌情
 踈評人猛騎大將自居驕狂不遜終坐于誅

史萬歲

史萬歲京兆杜陵人也少英武善騎射尉遲迴之亂
 也萬歲從梁士彥擊之軍次馮翊見群鴈飛來萬歲
 謂士彥曰請射行中第三者既射之應弦而落三軍
服軍士之心
 悅服及與遲迴相遇每戰先登鄴城之戰官軍稍却
 萬歲謂左右曰事急矣吾當破之於是馳馬奮擊數
 十人衆亦齊力官軍乃振爾朱勣以謀反伏誅萬歲

頗相關涉。坐除名配燉煌。爲戍卒。其戍主甚驍武。每
單騎入突厥中。掠取羊馬。輒大克獲。突厥無衆寡莫
之敢當。其人殊自矜負。數罵辱萬歲。萬歲忠之。自言
亦有武勇。戍主令馳射。而工戍主策曰。小人定可萬
歲。請弓馬復掠突厥中。大得六畜。而歸。戍主始善之。
每與同行。輒入燉煌數百里。名譚北夷。竇榮定之擊
突厥也。萬歲詣轅門。請自効。榮定素聞其名。見而大
悅。因遣人謂突厥曰。士卒何罪。過令殺之。但當各選
一壯士。決勝負耳。突厥許諾。因遣一騎挑戰。榮定遣

萬歲出應之。萬歲馳斬其首而還。突厥大驚。不敢復
戰。遂引軍遁去。及高智慧等作亂。從楊素擊之。萬歲
率衆二千。自東陽別道而進。踰嶺越海。攻陷溪洞。不
可勝數。前後七百餘戰。轉鬪千餘里。寂無聲聞者十
旬。遠近皆以萬歲爲沒。萬歲以水陸阻絕。信使不通。
乃置書竹筒。浮之于水。汲者得之。以言於素。素大悅。
上其事。高祖嗟嘆。賜其家錢十萬。還拜左領軍將軍。
先是南寧夷爨翫來降。拜昆州刺史。旣而復叛。命萬
歲率衆擊之。賊屯要害。萬歲皆擊破之。行數百里。見

諸葛紀功碑銘其背曰萬歲之後勝我者過此萬歲
令倒其碑而進破其三十餘部諸夷大懼遣使請降
獻明珠徑寸於是勒石頌美隋德萬歲遣使馳奏請
將爨翫入朝詔許之爨翫因有二心不欲詣闕因賂
萬歲以金寶萬歲于是捨翫而還蜀王秀時在益州
知其受金及翫反覆乃奏之上令窮治其事皆驗
罪當死上數之曰受金放賊重勞士馬卿豈社稷臣
也大怒將斬之僕射高頴諫曰萬歲雄略過人每行
兵用師未嘗不身先士卒尤善撫御將士樂為致力

雖古名將未易過也上意乃解開皇末突厥達頭可
汗犯塞上令晉王及楊素出靈武道漢王諒與萬歲
出馬邑道出塞至大斤山與敵相遇達頭遣使問曰
隋將為誰侯騎報曰史萬歲也突厥又問曰得非燉
煌戍卒乎侯騎曰是也達頭聞之懼而引去萬歲馳
追百餘里大破之斬數千級楊素害其功因譖萬歲
曰突厥本降初不為寇來于塞上畜牧耳遂寢其功
將士稱冤萬歲還見上言將士有功為朝廷所抑詞
氣憤厲忤于上上大怒令左右擗殺之死之日士庶

令人喪膽而去一何雄也

取禍之道

唐名將傳 卷之九
聞者莫不冤惜之。萬歲爲將，不治營伍，士卒各隨所安。無警夜之備，敵亦不敢犯。臨陣對敵，應變無窮。號爲良將。

斷曰

史公善射，射鳥應弦。尉遲之戰，每戰登先。受人之累，坐罪戍邊。戍主不識，以爲等閒。大得六畜，方知勇兼一騎。挑戰萬歲，應焉直斬。敵首突厥，驚旋高智。作亂率衆二千，踰嶺越海。直追而前，轉戰千里。音信杳然，盡驚爲沒。竹筒書傳，高祖大喜。賜其家錢，費翫之亂。萬歲闖專，要害悉破。翫求保全，旣思朝免。又以金緣，因其反覆。萬歲受愆，達頭犯闕。萬歲斬，奉知是戍卒早遁。而還追斬之，績忌者不言。訟功忤上，撮死可憐。

唐

李孝恭

李孝恭少沉敏，有識量。唐高祖已定京師，命孝恭徇巴蜀。下三十餘州，進擊朱粲，破之。俘其衆，諸將請坑。孝恭曰：不然。今列城皆吾寇，若獲之，則殺後，豈有降。

招降之法全

者悉縱之由是騰傲所至輒下蕭銑據江陵孝恭數

進策圖銑帝嘉納之乃大治舟艦肆水戰會李靖使

江南孝恭倚其謀遂圍江陵盡召巴蜀首領子弟收

與孔明擢用西土人同意

用之外示引擢內實質也俄進荆湘道總管統水陸

十二軍發夷陵破銑二鎮縱戰艦放江中諸將曰得

舟當濟用棄之反資賊奈何孝恭曰銑之境南際嶺

左薄洞庭地險士眾若城未拔而援至我且有內外

憂舟雖多何所用之今銑瀕江鎮戍見艫舳蔽江下

必謂已敗不即進兵覘候往來及引救到吾已拔江

矣已而救兵到巴陵見船疑不進銑內外阻絕遂

降帝悅遷荆州大總管輔公祐反寇壽陽詔孝恭討

之至九江大饗士杯酒變為血在坐失色孝恭自如

徐曰禍福無基惟所召爾顧我不負于物無重諸公

憂公祐過惡滿盈今仗威靈以問罪杯中血乃賊臣

授首之祥乎遂盡飲眾心為安既而公祐遣將邀戰

孝恭堅壁不出乃遣奇兵絕其糧道賊饑夜薄營孝

亦是誘敵之法

恭卧不動明日使羸兵扣賊營挑之盧祖尚選精騎

列陣以待俄而羸兵却走賊追北且囂遇祖尚軍薄

戰遂大敗孝恭乘勝破其列陣賊赴水死者數千計
公祐窮棄丹陽走追擒之江南平初爲禮部尚書改
王河間暴薨隋平盜賊遍天下皆太宗自討定謀臣
驍帥並列麾下無特將專勲者惟孝恭獨有方面功
以自見云

斷曰

孝恭唐族智勇無雙行循巴蜀降者相望衆請坑
戮孝恭酌量獲降則殺誰復肯降進圍蕭銑銑鎮
破亡獲其戰艦盡放滿江救謂已破不擊直當旣
知再進銑已降唐輔公祐反兵寇丹陽孝恭往討
酒浮血光衆驚恭喜授首之祥旣而擒斬河間封
王人雖暴喪功實難忘

尉遲恭

尉遲敬德名恭以字行朔州善陽人隋末從宋金剛
至武德二年唐秦王戰栢壁金剛敗奔突厥恭合餘
衆守介休秦王遣人諭之乃與尋相舉地降旣而從
擊王世充適尋相叛諸將疑恭且亂繫之屈突通曰
恭標悍今執之猜貳已結不卽殺後悔無及也秦王

曰不然恭必叛寧復尋相耶因釋之引見卧内曰丈夫意氣相許小嫌不足置胸中我終不以讒害良士因賜之金曰必欲去以爲汝資是日卽獵榆窠寇王世充自將數萬來戰其驍將軍雄信直趨秦王王危甚恭躍馬大呼橫刺雄信墜馬乃翼王出率兵還戰遂大敗之王顧曰衆皆疑公叛我獨信無他何相報之速耶世充列營相對兄子琬乘隋帝廐馬鎧甲華整出入軍中以夸衆王望見問誰可取者恭請與高甌生梁建方三騎擒琬引其馬以歸賊不敢動竇建

德營板渚王命李勣爲伏親挾弓令恭執稍畧其壘

大呼致師及建德兵出乃稍引却殺數十人衆益進

伏發大破之隱太子嘗以書招恭贈金皿一車恭辭

曰秦王實生之方以身徇恩今於殿下無功其敢當

賜若私許則懷二心徇利棄忠殿下亦焉用之哉太

子怒而止恭告秦王王曰公心如山岳雖積金至斗

豈能移之然恐非自安計巢王果遣壯士刺之恭開

門安卧賊至不敢入因譖于高祖將殺之秦王固爭

得免其後隱巢計日急恭與長孫無忌入白曰大王

成○算○

知○所○適○從○不○爲○金○惑○

有○

不先決社稷危矣。王曰：我惟同氣，所未忍也。恭曰：處事有疑，非智臨事不決，非勇。王今自計，何如？勇士入百人，悉入營控弦披甲矣。尚何疑？後又與侯君集等懇懇勸進，計乃定。時房玄齡、杜如晦被斥在外，召不至。王怒曰：是背我耶？因解所佩刀授恭，曰：即不從，可斬其首。以來，恭遂往諭之。齡等與入計議，及隱太子死，恭領騎七十趨玄武門。王馬逸墜林下，元吉將奪弓，窘王。恭馳叱之，元吉遂射殺之。宮府兵屯玄武門，戰不解。甲，恭持二首示之，乃去。時帝泛舟海池，王命

恭往侍，不解甲趨行在。帝驚曰：今日之亂為誰？爾來

何耶？恭對曰：秦王以太子齊亂舉兵誅之，恐陛下不

安，遣臣宿衛。帝意快，立秦王為皇太子，坐隱巢者百

餘家將盡沒入之。恭曰：為惡者二人，今已誅，若又窮

支黨，非自安之道。嘗侍宴慶善堂，有班其上者。恭曰：

爾何功，坐吾上？任城王道宗解喻之。恭勃然擊道宗

目，幾眇。太宗不悅，罷宴，召入切責之，曰：朕嘗怪漢高

帝時功臣少，今觀卿所為，乃知韓彭夷滅，非高帝

之過，國之大事，惟賞與罰，橫恩不可數得，勉自整飾。

○餘○黨○雖○為○秦○王○計○亦○恭○自○安○之○計

○不○戮○

○恭○當○寒○心

唐書卷之九
恭頓首謝恭善避稍每單騎入賊雖群刺之不能傷
又能奪取賊稍還刺之齊王元吉使去刃與之校恭
請王加刃而獨去卒不能中帝嘗問奪稍與避稍孰
難對曰奪稍難試使與齊王戲王三失稍遂乃大服

斷曰

敬德歸唐衆疑其叛王獨不疑賜金相贊榆巢獵
遊單雄突犯倉卒無援王幾遇難賴恭橫矛刺賊
馬畔王感其恩報于一旦太子賜金恭辭不看刺
客暗傷恭不爲患玄武變生力謀不憚帝驚直言
隱巢作亂位定事成是其才幹廷擊道宗過于驕
悍唐將英雄將軍爲冠

李靖

李靖字藥師京兆三原人姿貌魁秀嘗謂人曰丈夫
遭遇要當以功名取富貴何至作章句儒其舅韓擒
虎每與論兵輒嘆曰可與語孫吳者非斯人而誰哉

○便○爲○人○見○許

隋吏部尚書牛弘見之曰王佐才也左僕射楊素拊
其床謂曰公終當坐此大業末爲馬邑丞唐高祖擊
突厥靖察其有非常志因自口上急變傳送江都至

長安道梗高祖已定京師將斬之靖呼曰公起兵為天下除暴亂欲就大事乃以私怨斬殺誼士乎秦王亦為請得釋蕭銑據江陵詔靖安輯至峽州阻銑兵不得前帝謂逗遛詔都督許紹斬靖紹為請而免開州蠻冉肇則寇夔州趙郡王孝恭戰未利靖率兵八百破其屯要險設伏斬肇則俘擒五千帝喜謂左右曰使功不如使過靖果然因手救勞之曰既往不咎向事吾久已忘之靖遂陳圖銑十策有詔拜行軍總管兼攝孝恭行軍長史政一

武德四年大閱兵

夔州時秋潦清瀨漲惡銑以靖未能下不設備諸將

攻其無備妙

亦請江平乃進靖曰兵機事以速為神今士始集銑

不及知若乘水傳壘是震霆不及塞耳就能倉卒召

兵無以禦我此必擒也孝恭從之舟師叩夷陵銑將

文士洪以卒數萬屯清江孝恭欲擊之靖曰不可士

洪健將下皆勇士今新失荆門悉銳拒我此救敗之

師不可當宜駐南岸待其氣衰乃擊之孝恭不聽留

靖屯守自往與戰大敗還賊委舟散掠靖視其亂縱

此其時矣

兵擊破之取四百餘艘溺死者萬人靖即率輕兵五

于為先鋒趨江陵薄城而營破其二將俘甲士四千
 孝恭軍繼進銑大懼檄召江南兵不及到乃降入其
 都號令嚴肅軍無所私或曰銑將拒戰同于叛逆請
 籍其家資以賞軍靖曰王者之師弔人而取有罪銑
 將被其脅驅而來藉以拒師本非其情不當以叛逆
 比之今新定荆郢宜示寬大以慰其心若降而籍之
 恐自荆而南堅城死守非計之善也由是江漢列城
 爭下輔公祐據丹陽反詔孝恭為帥召請入朝受方
 畧副孝恭東討時公祐遣馮惠亮以舟師三萬屯當

塗陳正通以步騎二萬屯青林自至梁山連鎖以斷
 江道築却月城延六十餘里為犄角諸將議曰彼勁
 兵連柵將不戰自疲老我不若直取丹陽空其巢穴
 惠亮等自降靖曰不然三軍雖精而公祐所自將亦
 精銳也既保石頭則軍不可拔我若往取留不得志
 退有所忌腹背蒙患非百全計且惠亮正通百戰餘
 賊非怯野鬪方今持重以待公祐立計若出其不意
 挑攻其城必破之惠亮破則公祐擒矣孝恭聽之靖
 乃遣黃君漢等水陸皆進苦戰殺傷萬餘人惠亮等

○見○得○到○

○收○拾○人○心○之○法○

亡去。靖將輕兵至丹陽。公祐懼衆雖多不能戰。乃出走。擒之。江南平。帝乃歎曰。靖爲銑與公祐之膏肓也。古韓白衛霍。何以加。突厥部種離叛。靖率勁騎三千。由馬邑趨之。頡利可汗大驚曰。兵不傾國來。靖敢提孤軍至此。於是帳部數恐。靖縱謀者離其腹心。夜襲定襄。破之。可汗脫身遁。進封代國公。帝曰。李陵以步卒五千絕漠。然卒降於胡。其功尚得書竹帛。靖以騎三千。蹀血口庭。遂取定襄。古未有葷足澡吾渭水之耻矣。頡利走保鐵山。請舉國內附。遣靖往迎之。又遣

唐儉安修仁慰撫。靖因謂副將張公瑾曰。詔使到虜。必自安。若萬騎齎二十日糧。自白道襲之。必得所欲。公瑾曰。上已與約。降行人在彼。奈何。靖曰。機不可失。韓信所以破齊也。如唐儉輩。何足惜哉。因督兵疾進。行遇侯邏。皆俘以從。去其牙七里。乃覺。部衆震潰。斬萬餘級。俘男女十萬。頡利亡去。爲大同道總管張寶相擒。以獻。於是斥地自陰山而北。至大漠矣。御史蕭瑀劾靖持軍無律。縱士大掠。散失奇寶。帝召責之。靖無所辯。惟頓首謝。帝復曰。隋史萬歲破達頭可汗。不

賞而誅朕不然赦公之罪錄公之功乃進左光祿大

夫既而曰向人短公朕今悟矣遷尚書右僕射靖每

參議恂恂似不能言以沉厚稱頃之吐谷渾寇邊帝

詔侍臣曰靖能復起為帥乎靖往見房玄齡曰吾雖

老尚堪一行帝喜以為西河道大總管高甌生等五

總管兵皆屬焉軍次伏俟城吐谷渾盡火其莽退保

大非川諸將議春草未生馬弱不可戰靖決策深入

遂踰積石山大戰數十多所殺獲國人多降吐谷渾

伏允憂蹙自經死靖立大寧王慕容順而還高甌生

軍由益澤道後期靖薄責之既歸而憾告靖謀反按

驗無狀甌生等坐誣靖乃闔門自守賓客親戚皆謝

遣改封衛國公帝將伐遼召靖謂曰公南平吳北破

突厥西定吐谷渾惟高麗未服亦有意乎靖對曰往

憑天威得効尺寸功今疾雖衰陛下誠不棄病且瘳

矣帝憫其老不許後病甚帝幸其第流涕曰公乃朕

生平故人於國有勞今疾若此為公憂之薨年七十

九謚景武

斷曰

靖初爲隋察唐有異自口上言事已無濟及唐爲君執靖欲棄靖呼英君豈斬誼士唐祖赦之命征蠻地伏斬冉蠻俘五千計帝喜使功不如過利蕭銑旣降公祐又繫霍衛白韓功足相比往征頡利僅三千騎遂取定襄成功何易再乘詔機掃清一切御史劾之靖惟謝罪帝悟念功加官不議病尚圖功帝爲流涕唐帝股肱李靖其臂

李勣

李勣字懋功曹州離狐人本姓徐隋大業末韋城翟

讓爲盜勣年十七往從之因說曰公鄉壤不宜自剽殘宋鄭商旅之會御河在中舟艦相屬往邀取之可以自資讓然之時李密亡命雍丘勣又說讓推密爲主以奇計破王世充時河南山東大水隋帝令饑人就食黎陽倉吏不時發死者日數萬勣因說密曰天下之亂本於饑今若取黎陽粟以募兵大事濟矣密然之以兵五千附勣濟河襲黎陽開倉縱食旬日得勝兵至十萬宇文化及引兵北上密使勣守倉周圍掘塹以自環化及攻之勣爲地道出圍化及敗去武

德二年密歸朝廷所有之地東屬海南至江西直汝
北抵魏郡勣統之未有所屬謂長史郭孝恪曰人衆
土宇皆魏公有也吾若獻之是利主之敗爲已功吾
所羞也乃錄郡縣戶口以啓密請自上之使至高祖
訝無表使者以意聞帝喜曰純臣也詔授黎州總管
封英國公姓國姓詔總河南山東兵以拒王世充及
密以謀反誅勣請收葬詔從之勣爲服縗經葬訖乃
釋從秦王伐東郡有功及太宗卽位拜并州都督貞
觀三年爲通漢道行軍總管出雲中與突厥戰走之

純臣

忠于密而不忠于唐安得謂

遂引兵與李靖合因曰頡利若渡磧口保於九姓恐
不可得我若約齊約齊輕兵也薄之不戰而縛靖大喜以

爲與已合於是意決靖遂率兵夜發勣勒兵從之頡
利欲走磧口勣已前屯磧口不得渡由是率部落五
萬降於勣詔拜并州大都督治并州以威肅聞帝嘗
曰煬帝不擇人守邊勞中國築長城以備胡今我用
勣守并突厥不敢南賢於長城遠矣勣嘗暴病醫曰
鬚灰可治帝乃自剪鬚以和藥及愈入謝頓首流血
帝曰吾爲社稷計何謝爲復留宴顧曰朕思屬幼孤

恩寵極矣

無逾公者。公昔不遺李密，今豈負朕哉！勳感涕，因嚙指流血。俄大醉，帝親解衣覆之。帝疾，詔太子曰：爾於勳無恩，今以事出之，我死宜卽授以僕射，彼必致死。力矣。高宗立，遂爲尚書左僕射。高麗莫離支男生爲其弟所逐，遣子乞師，詔勳率兵二萬討之，破其國。執高藏、男建等，裂其地州縣之。詔勳獻俘於昭陵，以明先帝意。進位太子太師。總章二年卒，年八十六。帝曰：勳奉忠事親孝，歷三朝無一過。初勳拔黎陽倉，就食者衆，高季輔、杜正倫往客焉。及平虎牢，獲戴曾，延引見，卧內推禮。之後皆爲名臣。世以勳知人。平洛陽，得單雄信，故人也，表其材武，且言若貸死，必有以報。請納官爵，以贖不許，乃號勳割股肉以啖之，曰：生死未決，此肉同歸於土，爲收養其子焉。其用兵多籌筭，料敵應變，皆契事機。聞人善，抵掌嗟嘆；及戰勝，必推功於下，得金帛，盡散之士卒。臨事選將，必相其奇麗。福艾者，遣之。或問故，荅曰：薄命之人，不足與成功名。旣沒，士皆爲流涕。

斷曰

李勣雖盜却無盜心說讓推密破充自申天下之
亂起於饑民開倉一賑遍地三軍李密既敗表上
唐君詔授總管使立功勳李密反死收葬明恩奉
詔征北沙磧前屯敵不得渡降者紛紛築城以守
何如得人暴病調藥帝剪鬚勻非獨爲汝社稷計
深又勅太子我死汝親君重如此不愧爲臣

新鐫旁批詳註總斷廣名將譜卷之十

古關黃道周石齋父註斷

蘇定方

蘇烈字定方以字行冀州武邑人父邕當隋季率甲
中數千人爲本郡討賊定方驍勇年十五從父戰數
先登陷陣邕卒代領其衆自是賊不敢舍境鄉黨賴
之貞觀初從李靖襲突厥頡利於磧口率教馬二百
爲前鋒乘霧行去賊一里許霧霽見牙帳馳殺數十

百人頡利各遁去靖亦尋至餘黨悉降又從葱嶺道
大總管程知節征賀魯至鷹婆川賀魯率二萬騎來
拒定方始休士在乘虛而入見塵起率精騎五百踰嶺馳擣賊營
賊衆大潰殺十餘人後定方復擊賀魯以任雅相爲
副出金山北進至曳咥河賀魯率十姓兵十萬拒戰
輕定方兵少留左右翼包之定方合步卒據高攢禦
外向親引勁騎陣北原賊三突于陣不能入定方因
其亂擊之斬首數萬級賀魯西走定方遣副將蕭嗣
業等率雜彘兵追之自與雅相領新附兵絕其後會

大雪吏請少休定方曰敵恃雪方止舍謂我不能進
若縱使遠遁則莫能擒遂勒兵進至雙河時賀魯將
吹定方縱擊破其牙下數萬人悉歸所部賀魯走石
國彌射子元奭以兵與嗣業會縛賀魯以還由是修
亭障列蹊隧定疆畛問疾收齒唐之州縣極西海矣
後都曼諸人復叛詔定方選精卒萬騎三路襲之定
貴神速定方得之方晝夜馳二百里至其所都曼驚戰無素大敗計窮
遂面縛降俘獻于乾陽殿有司請論如法定方頓首
請曰臣向諭陛下意許以不死願丐其命帝曰朕爲

卿全信乃宥之○葱嶺以南復定○乾封三年卒○

斷曰

蘇子定方○少年驍勇○鄉里賊侵○賴之不恐○突厥從
征○乘霧一湧○誅者不勝○降者接踵○賀魯再征○攢槩
殊猛○大雪不休○斬幾絕種○後襲諸敵○三路雲擁○面
縛而降○獻俘丹甬○論法應誅○苦求恩寵○葱嶺以南
因而朝拱○

薛仁貴

薛仁貴○絳州龍門人○少貧賤○將攻莖其先○其妻曰夫

有高世之才○要須遇時○乃發○今天子自征遼東○求猛

將○此難得之時○君盍圖功名○以自顯○富貴還鄉○莖未

晚○乃往應募○王師攻安市城○高麗率兵二十萬拒戰○

太宗命諸將分擊之○仁貴恃驍悍○欲立奇功○乃著白

衣○自標顯○持戟腰鞬○兩弓呼而馳○所向披靡○軍乘之

賊遂奔潰○帝望見○遣使馳問先鋒○白衣者誰○曰薛仁

貴○帝召見○嗟異○賜金帛人馬○甚衆○師還○帝謂曰○朕舊

將○皆老○欲擢驍勇○付闡外事○莫如卿者○朕不喜得遼

東○喜得虎將○遷右領軍中郎將○蘇定方討賀魯○仁貴

上疏曰兵出無名事故不成明其為賊敵乃可服今

泥熟不事賀魯為其所服口係妻子王師有於賀魯

部落轉得其家口者宜悉取以還厚加賚遣使百姓

知賀魯為暴而陛下至德也帝納之遂還其家屬泥

熟請隨軍効死時鄭仁泰為鐵勒道行軍總管詔仁

貴往副之將行賜宴內殿帝曰古善射有穿七札者

卿以五甲射焉仁貴一發洞貫帝大驚更取堅甲賜

之時九姓衆十餘萬令驍騎數十人來挑戰仁貴發

三矢輒殺三人於是敵氣懾皆降仁貴慮為後患悉

坑之以歸軍中歌曰將軍三箭定天山壯士長歌入

漢關九姓遂衰吐蕃人寇命仁貴為行軍大總管率

將軍郭待封擊之以援吐谷渾郭待封嘗為郿城鎮

守與仁貴等夷及是耻居其下頗違節度初軍次大

非川將趨烏海仁貴曰烏海地險而障吾入死地可

謂危道然速則有功遲則敗今大非嶺寬平可置二

柵悉納輜重留萬人守之吾倍道掩賊當即滅之矣

乃約齋至河口遇賊破之多所殺掠獲羊萬計進至

烏海城以待後援待封不從領輜重踵進吐蕃率衆

唐書

二十萬邀擊敗之。糧仗盡沒。待封保險。仁貴退軍大非川。吐蕃益兵四十萬來戰。王師大敗。仁貴與吐蕃約和。乃得還吐谷渾。遂沒仁貴。歎曰：今歲在庚午星天時不和在降婁。不應有事西方。鄧艾所以死于蜀。吾固知必敗。有詔原死。除名為庶人。未幾高麗餘衆叛起。為雞林道總管。復坐事貶象州。會赦還。帝思其功。因召見。曰：今遼西不寧。瓜沙路絕。卿安得高枕不為朕指揮耶？於是拜代州都督。率兵擊突厥。元珍於靈州突厥。問曰：唐將為誰？曰：薛仁貴。突厥曰：吾聞薛將軍流象川死矣。安得復生？仁貴脫兜鍪見之。突厥相視失色。下馬羅拜。稍稍遁去。仁貴進擊大破之。斬首萬級。獲生口三萬。牛馬稱是。永淳二年卒。

斷曰

天子征遼。仁貴應詔。兩國交鋒。正然相較。貴著白衣。突前自効。所向皆靡。功實炫耀。天子見之。驚奇。詫妙。問喜得人。總軍即調泥熟。妻孥還明。恩造使知。王仁賀魯。強暴三矢。三人天山降報。往征吐蕃。地稱險道。請用輕兵。待封執拗。致敗王師。仁貴削

貌傳死象州敵復作耗脫兇示形敵驚拜告方識
英雄不宜顛倒

裴行儉

裴行儉字守約絳州聞喜人貞觀中舉明經蘇定方
為大將軍見之謂曰吾用兵世無可教者今子也賢
乃盡昇以術儀鳳二年十姓可汗何史那都支及李
遮旬誘蕃落以動安西朝廷欲討之行儉議曰今波
斯王死其子泥涅師質京師有如遣使立之即路出
二蕃若權以制事可不勞而成也帝因詔行儉冊送

波斯王子歸國經莫賀延磧風礫晝冥導者迷將士

饑乏行儉止營致令曰水草不遠衆少安俄而雲徹

風恬行數百步水草豐美後來者莫識其處衆皆驚

以方漢貳師將軍至西川諸蕃郊迎行儉召豪傑千

餘人自隨揚言大熱未可以進宜駐軍須秋都支規

知之不設備行儉徐召四鎮酋長偽約咬曰吾念此

樂未始忘孰能從吾獵乎於是子弟願從者萬人乃

陰勒部伍倍道而進去都支帳十餘里先遣其所親

問安否外若聞暇非討襲者又使人趨召都支都支

本與遮旬計及秋拒使者忽開軍至倉卒不知所出
率子弟五百餘人詣營謁遂擒之又獲遮旬使者釋
之使往諭其主并言都支已擒狀遮旬亦降悉俘至
京師帝曰行儉孤軍深入萬里兵不血刃而叛黨悉
擒可謂文武俱備矣調露元年突厥阿史德溫傳反
都護蕭嗣業討之不克死詔行儉總諸道兵三十萬
往討之先是嗣業饋糧數為敵抄軍多餒死行儉曰
以謀制敵可也因詐為糧車三百乘車伏壯士五輩
齋陷刀勁弩以羸卒挽進又伏精兵踵其後敵果掠

車羸兵走險賊驅水草解鞍牧馬方取糧車中而壯

士突出伏兵隨至殺獲幾盡自是糧車無敢近者大

軍次单于北暮已立營塹壕既周更命徙營高岡吏

白士安堵不可擾不聽促徙之比夜風雨暴至前止

營所水深丈餘衆莫不駭嘆問何以知行儉曰自今

弟如我節制無問我所以知也阿史那伏念偽稱可

汗復與溫傳合行儉總諸軍頓代州之陘口縱反間

說伏念令與溫傳相貳伏念悟密送款且請縛溫傳

以自効行儉秘不布密以聞後數日煙塵漲天而南

不能知

如神不可思意

用兵

非通陰陽曆數者

斥埃惶駭行儉曰此伏念執溫傳來降非他也且受
 降如受敵乃救嚴備遣單使往勞既而果然於是突
 厥餘黨悉平初行儉許伏念以不死侍中裴炎害其
 功建言伏念計窮而降卒斬伏念及溫傳於都市行
 儉之功不錄行儉歎曰渾濬之事古今恥之但恐殺
 降則後無復來矣遂稱疾不出永淳元年卒行儉通
 陰陽曆術每戰豫道勝日又善知人所引偏裨皆為
 名將度量大所賜重寶或為人誤傷俱不校

斷曰

行儉也賢兵術盡傳都支誘動討之用權借送王
 子忽至西川敵不設備遂擒以旋兵不血刃文武
 俱全念傳再反儉復行邊糧車伏士精兵後潛敵
 果來掠齊出斬焉軍營已定命移高原營移方定
 風雨如泉前知之妙莫不駭然伏念向順既得溫
 傳應待不死論斬是好朝政若此敢不歸田

唐休璟

唐璿字休璟以字行京兆始平人舉明經高第永淳
 中突厥圍豐州朝廷議棄豐保靈夏休璟以為不可

上疏曰豐州控河邊寇號為襟帶自秦漢以來嘗郡
 縣之土田良美宜于耕牧隋季喪亂不能堅守乃遷
 就寧慶戎人得以乘利而交侵始以靈夏為邊唐初
 募人以實之西北一隅得以全固今而廢之則河傍
 地反為賊有而靈夏亦不足自安非國家利也高宗
 從其言吐蕃大將莽布支率數萬騎寇涼州入洪源
 口休璟以兵數千臨高望之見賊旗鎧鮮明謂麾下
 曰吐蕃自欽陵死贊婆降莽布支新將兵欲以示武
 然其下皆貴臣富豪子弟騎雖精不習戰吾為諸君

是解是

取之乃披甲先登六戰皆克斬獲衆築京觀而還吐
 蕃來請和既宴使者屢覘休璟武后問之對曰前洪
 源之戰是唐將軍多殺臣士卒其勇無比今願識之
 后嗟嘆西突厥烏質勒諸蕃舉兵攻安西道后命休
 璟與宰相計議所當施行者既而邊州建請屯置盡
 如休璟策后曰恨用卿晚拜夏官尚書因請楊再思
 等卿輩十不當一延和元年卒年八十六休璟以儒
 者號知兵自碣石踰四鎮幾萬里其間山川夷險障
 塞之處皆能言之每行師未嘗敗年八十猶托權近

老不知休難免

時議
冀復用

斷曰

休璟儒者○頗號知兵○豐州若棄○靈夏何憑○利害說○破議始不行○吐蕃入寇○望裏鮮明○然皆蕃貴習戰○不精欲為軍取○披甲先登○六戰皆克○京觀築成○請和使者○宴見猶驚○后因歎息○恨晚用卿○聲名若此○夫豈不榮○

張仁愿

張仁愿華州下邳人○有文武林○武后時遷殿中侍衛

史通天中○御史孫承璟監靖遠軍○戰還自圖先鋒○當矢石狀○武后歎曰○御史乃能如是乎○擢為中丞○詔仁愿敘其麾下功○仁愿因問承璟○破敵曲折○承璟實不行○所問皆窮○仁愿乃劾承璟○因上虛列敵級○遂貶承璟○以仁愿代為中丞○屢擊賊○破之○始朔方軍與突厥以河為界○北涯有拂雲祠○突厥每犯邊○必先謁祠禱○神然後料兵渡河而南○時默綴悉兵西擊突騎池○仁愿請乘虛取河南地○於河北築三受降城○絕胡南寇路○唐休璟以為兩漢以來○皆北守河○今築城胡境○終

為彼有仁愿固請中宗從之表留歲滿兵以助功成
陽兵二百人逃歸仁愿擒之○兵○法○從○事○盡斬城下軍中股慄役
者盡力六旬而三城就以拂雲為中城南直朔方西
城南直靈武東城南直榆林三壘相距○合○四○百○餘○里○
其北皆大磧也斥地三百里而遠又於牛頭朝那山
北置烽墩○下○八○百○所○自○是○突○厥○不○敢○踰○山○牧○馬○歲○省○
費億計初建三城不置壅門曲敵戰格○或○曰○邊○城○無○
守備可乎仁愿曰兵貴攻取賤退守寇至常併力出
○出○兵○原○當○如○此○拒敢回望城者斬何事守備退怯其心哉後常元楷

代為總管始築壅門議者益重仁愿而輕元楷景龍
二年拜左衛大將軍同中書門下三品封韓國公還
朝卒

斷曰

仁愿敘功虛者盡窮承景既貶其職代克朔方突
厥界以河中無隘以塞犯者易攻仁愿表請築城
為衝議者多慮直及始終仁愿固請中宗乃從逃
工盡斬三城忽崇朔方靈武榆林更雄二壘相拒
連墩接烽四百餘里門不設壅兵貴攻戰退守為

庸所以突厥牧馬絕踪始知妙用非例可通

王峻

王峻○滄州景城人也○擢明經第嘗爲桂州都督州兵
舊常仰餉衡末峻始築羅郭罷戍卒墜江開屯田數
千頃以息轉漕百姓賴之復遷朔方都護吐蕃率精
兵十萬寇臨洮次大來谷峻率所部二千與臨洮軍
合料奇兵七百易蕃服夜襲去城五里令曰前遇賊
卽大呼鼓角應之賊疑伏在旁自相鬪死者萬計俄
而薛納以兵至武階距大來二十里賊陣兩軍之間

且一舍而近○峻往迎訥夜使壯士啣枚鑿突賊駭引

此少會卒之謀

去追至洮水敗之俘獲如積後突厥默啜爲拔曳固

所殺其下多降分置河曲久而降者稍稍叛去峻因

上言突厥向以國亂故款塞今徙處河曲使內伺邊

鄙久必爲患使脫南牧降帳必與連衡以相應援表

裏有敵雖韓彭孫吳無所就功請至農隙令朔方軍

大陳兵召番豪告以禍福啗以金繒且言南方魚米

此乃久安之計

之饒並遷置淮右河南不二十年漸服諸華料以充
兵則皆勁卒若謂降狄不可以南處則高麗舊俘置

沙漠之西城旁編夷居青徐之右何獨降番不可徒
 歟○出未報而番已叛乃教駿將并州兵濟河以討駿
 間行捲甲捨幕趨山谷夜遇雪恐失期乃誓神曰駿
 事君不忠不討有罪當自蒙罰今士卒無罪心誠忠
 而監之則止雪反風以獎成功俄而和霽時叛番分
 二道走駿自東道追及之獲級二千蘭池胡康待賓
 據長泉反陷六州詔郭知運與駿討之元宗以宮人
 賜知運等駿獨不敢取曰臣之事君猶子之事父詎
 有常近闡掖而臣子敢當乎誓死以免初駿奏刺方
 兵力有餘願罷知運而獨當戍未報而知運至故不
 協駿所降附知運輒縱擊賊以駿賣已乃復叛卒贈
 尚書左丞相

斷曰

駿為桂督其功已勞策郭罷戍以息轉漕後遷都
 護蕃寇臨洮駿命所部胡服夜挑賊疑有伏自鬪
 自逃死者萬計猶被突鑿突厥復叛門戶必搔請
 遷淮右魚米就饒不二十年勁卒應豪上書未報
 果叛復遭敕駿往討風雪正高反風止雪忠感若

招長泉之役知運同袍宮人之賜臣安敢叨誓死
以免忠敬孔昭奈奸忌恨激蕃咆哮

郭元振

郭震字元振魏州貴鄉人以字行十八舉進士爲通
泉尉會吐蕃乞和其大將論欽陵請罷四鎮兵披十
姓之地乃以元振爲使因覘敵情還上疏曰利或生
害害亦生利國家之患惟吐蕃與默啜耳今皆和附
是將大利于中國也若圖之不審害且隨之欽陵欲
十姓地解四鎮兵此動靜之機不可輕也若直遏其

意恐邊患必甚於前宜以策緩之使其和望不絕而
惡不得萌固當取舍審也夫患在外者十姓四鎮是
也患在內者甘涼瓜肅是也關隴屯戍向三十年力
用困竭脫甘涼有一日警豈堪廣調發耶蓋爲國者
先料內以敵外不舍外以害內然後安平可保欽陵
以四鎮近已畏我侵掠此吐蕃之要然青海吐渾密
邇蘭鄯易爲我患亦國家之要今直報欽陵曰四鎮
本扼諸蕃使不得併兵東侵今委之則蕃力益強易
以擾動保復無東意當以吐渾諸部青海故地歸于

廣名將譜 卷之十一
我則俟斥部落還吐蕃矣。此足杜欽陵口而和議未
絕。且四鎮久附其倚國之心。豈與吐蕃等。今未知利
害情實而分裂之。恐傷諸國意。非制御之筭。后從之
又言吐蕃倦徭戍久矣。咸願解和。以欽陵欲裂四鎮
專制其國。故未歸欵。陛下誠能歲發和親使。而欽陵
若不從。則其下必怨。設欲大舉。固不能斯離間之漸
也。后從其計。後數年吐蕃君臣相猜。携卒誅欽陵。久
之突厥吐蕃聯兵寇涼州。拜元振爲涼州都督。涼州
初境廣纔四百里。敵來必薄。城下元振于南峽口置

有深意

和戎城北。積置白亭軍。制東要路。遂拓境千五百里。
自是州無外憂。又遣刺史李漢通闢田。盡水陸之利。
稻收疊衍。舊收粟斛數千。至是歲數登。至匹縑易數
十斛。治涼五歲。夷夏畏慕。西突厥蕃烏質勒部落強
盛。欵塞願和。元振卽牙帳與計事。會大雨雪。元振立
不動。至夕凍冽。烏質勒已老。數拜伏。不勝寒。會罷卽
死。其子娑葛以元振計殺其父。謀勒兵襲擊副使解
琬。知之。勸元振夜遁。元振不聽。堅卧佯爲不知者。明
日素服往弔。道逢娑葛兵。彼不意元振來。遂不敢逼。

有膽有識

揚言迎衛。進至其帳，修贈禮，哭甚哀，爲留數十日。助喪事。娑葛感義，更遣使獻馬，駝甚夥，烏質勒之將闐啜忠節與娑葛交怨相侵，而闐啜兵弱不支。元振奏請追闐啜入宿衛，詔許之。闐啜遂行道，遇經畧使周以悌，說之曰：「國家厚秩待君者，以部落有兵故也。今獨行入朝，一羈放蕃人耳，何以自全？莫若重寶賂無入朝，請發安西兵導吐蕃以擊娑葛，求阿史那獻爲可汗，以招十姓，請郭虔瓘使拔汗那，蒐其鎧馬以助軍。闐啜以爲然，卽勒兵擊于闐，因所獲遣人齎黃金

分遣宗楚客使就其謀。元振知之，因上疏力辯其不可。疏奏不省。宗楚客因議遣馮嘉賓持節安撫闐啜，以呂守秦處置四鎮，以牛師獎代元振領甘涼兵，召吐蕃使擊娑葛。娑葛之使知楚客謀，馳報娑葛。娑葛怒，卽發兵出安西。時闐啜在計舒河，與嘉賓等會。忽娑葛兵奄至，擒闐啜，殺嘉賓，守素師獎等遂陷安西四鎮，路絕。元振屯疏勒，水上未敢動。宗楚客復表周以悌代元振，且以阿史那獻爲十姓可汗，置軍焉。者以取娑葛。娑葛因遣元振書，且言無仇於唐，而楚

唐各州記 卷之一
客等受闕啜金欲加兵擊滅故我懼死而鬪且請斬
楚客元振奏其狀因赦娑葛以悌乃得罪流白州楚
客大怒遂誣元振有異圖召將罪之元振懼使子鴻
間道奏乞留西土不敢歸京師睿宗立詔爲太僕卿
將行安西酋長有瘞面哭送者旌節下玉門關去涼
州猶入百里城中爭具壺漿歡迎都督嗟嘆以聞進
同中書門下三品玄宗講武驪山既三合帝親鼓之
元振遽奏禮止帝怒軍容不整引坐燾下將斬之劉
幽求張說扣馬首諫曰元振有大功雖得罪當宥乃
赦死流新州開元元年帝思舊功起爲饒州司馬道
病卒

斷曰

吐蕃乞和請罷鎮兵帝命元振往覘敵情元振還
奏動靜匪輕四鎮之設原爲藩屏蕃地歸我四鎮
誰爭和望未絕惡難得萌吐蕃猜忌果誅欽陵涼
州兵寇寇必薄城元振拓境數斛匹緡烏質款塞
交接以誠會天大雪老拜寒興歸卽死矣子欲橫
行元振往弔哀感不勝助喪贈禮大以爲榮怨者

復感獻馬滿庭元振持正楚客奸生燾下免死新
州流傾思舊復起事已無憑

李嗣業

李嗣業京兆高陵人長七尺膂力絕衆初從討十姓
蘇祿先登捕賊累功為昭武校尉後應募安西軍中
初用陌刀而嗣業尤善每戰必為先鋒所向摧北高
仙芝討勃律表嗣業陌刀將時吐蕃兵十萬屯婆勒
城據山瀕水聯木作郭以扼王師仙芝至因潛軍夜
濟信圖河令日及午破賊不者皆死嗣業遂提步卒

陞山頹石四面以擊賊又立大旗先走險諸將從之
敵不虞軍至因大潰投崖谷死者十七八鼓而驅至
勃律擒其主平之遂號為神通大將大食連兵攻四
鎮仙芝率兵二萬深入為大食所敗事急嗣業謀曰
將軍深履賊境後援既絕我與將軍俱前死尚誰報
朝廷者不如守白石嶺以為後計不可坐須葺醢即
馳守白石仙芝乃得還表嗣業功進金吾大將軍留
為疏勒鎮使城一隅屢築屢壞嗣業祝之有白龍見
因其處築祠以祭城遂不壞漢耿恭故井久涸至是

一誠可格

泉復出○初討勃勒過葱嶺有大石塞隘以足蹶之抵
窮壑識者以爲至誠所感云安祿山反肅宗詔兵追
之詔至嗣業○嗣業卽引與諸將割臂盟曰所過郡縣
秋毫不可犯至鳳翔上謁帝喜曰今日卿至賢於數
萬衆乃詔與郭子儀僕固懷恩犄角常爲先鋒廣平
王收長安○嗣業統前軍陣於香積祠北賊口李歸仁
擁精兵薄戰王師注矢射之走未及營賊大出掩追
王師亂不能整○嗣業謂子儀曰今日不蹈萬死取一
生則軍無類矣○卽袒持長刀大呼出陣前殺數十人
陣復整率步卒二千以陷刁長柯斧堵進所向無前
長安遂平進收東都○嗣業功多與子儀等圍相州師
老諸將無功獨嗣業被堅數奮爲諸軍冠中流矢卧
帳中方愈忽聞金鼓聲知與賊戰大呼創潰流血數
升卒嗣業忠毅憂國不計居產有宛馬十匹前後賞
賜皆上於官以助軍云

斷曰

嗣業爲將○陷刁稱奇○往討勃律○詔從仙芝吐蕃十
萬相抗王師○仙芝有令○破賊午時不者皆死○嗣業

奮○馳○陞○山○擊○賊○又○立○大○旗○敵○因○大○敗○勃○律○平○之○策○
 城○致○祭○井○水○并○滋○鳳○翔○謁○帝○帝○喜○可○知○長○安○之○復○
 萬○死○不○辭○東○都○進○取○功○配○子○儀○流○矢○既○中○聞○戰○尚○
 披○流○血○而○死○忠○勇○何○疑○

李光弼

李○光○弼○營○柳○城○人○沉○果○有○大○畧○安○祿○山○反○郭○子○儀○
 薦○其○能○加○河○北○採訪○使○光○弼○遂○以○朔○方○兵○五○千○出○土○
 門○東○救○常○山○常○山○團○練○子○弟○執○賊○將○安○思○義○降○光○弼○
 不○殺○而○問○計○焉○時○賊○將○史○思○明○李○立○節○蔡○希○德○攻○饒○
 便○有○作○用○

陽○思○義○因○荅○曰○今○兵○行○疲○勞○遇○敵○不○可○支○不○如○按○軍○
 入○守○料○勝○而○出○光○弼○善○之○遂○據○城○待○之○明○日○史○思○明○
 兵○二○萬○薄○堞○光○弼○兵○不○得○出○乃○以○勁○弩○五○百○射○之○賊○
 退○移○陣○稍○北○光○弼○出○其○南○夾○滹○沱○而○軍○思○明○雖○數○函○
 然○恃○近○救○解○鞍○休○士○是○日○饒○陽○賊○五○千○至○九○門○光○弼○
 謀○知○之○提○輕○兵○斂○旗○鼓○伺○賊○方○飯○襲○殺○之○且○盡○思○明○
 懼○引○去○光○弼○以○范○陽○本○賊○巢○窟○當○先○取○之○除○賊○根○本○
 會○潼○關○失○守○乃○拔○軍○入○井○陘○肅○宗○卽○位○詔○光○弼○以○兵○
 五○千○入○太○原○前○此○太○原○節○度○使○王○承○業○攻○弛○謬○侍○御○

史崔衆主兵太原每侮狎承業光弼素不平及是詔衆以兵付光弼衆素狂易見光弼長揖不卽付兵光弼怒收繫之會使者至拜衆御史中丞光弼曰衆有罪已收繫今但斬侍御史若使者宣詔亦斬中丞使者內詔不敢出乃斬衆以徇威震三軍至德二載史同意思明蔡希德率衆十萬攻光弼時銳兵悉付朔方而麾下士卒不滿萬衆議培城以守光弼曰城環四十里賊至治之徒疲吾人乃撤民屋爲柵石車車二百人挽之石所及輒數十人死賊傷十二思明爲飛樓

障以木幔築土山臨城光弼遣兵穴地頻之思明寡

城下倡優居臺上玩弄敵慚辱天子光弼遣人隧地擒取之

思明大駭徙牙幔遠去軍中皆視地後行又潛溝營

地將沉其軍乃佯約降至期以甲士守陴遣裨校出

若送欵者思明大悅俄而賊數千没于塹城上鼓噪

突騎出乘之俘斬萬計思明引去留希德攻太原光

弼出敢死士搏賊斬首七萬級希德委資糧遁走初

賊至光弼設公幄城隅以止息經府門不顧解圍閱

三旬乃歸私寢乾元初拜天下兵馬副元帥光弼乃

以河東騎五百馳東都夜入其軍且謂賊方闕洛當據虎牢而東出河上檄召兵馬使張用濟用濟憚光弼嚴教諸將逗遛其兵自單騎入謀光弼斬之以幸京杲代復追部將僕固懷恩懷恩懼先期至會滑汴節度使許叔冀降賊思明乘勝西嚮光弼教陣徐行趨東京謂留守韋陟曰賊新勝難與爭鋒欲誑之以計然洛無具糧危偏難守公計安出陟曰益陝兵公保潼關可以持久光弼曰兩軍相敵尺寸地必爭今委能據要五百里而守關賊得地益張不如移軍河陽北阻

澤潞勝則出敗則守表裏相應賊不得西此猿臂勢也夫辨朝廷之禮則我不如公論軍旅勝負則公不如我陟不能答遂檄河南尹縱官吏避賊督軍趨戰守備思明至偃師光弼悉軍趨河陽自以五百騎殿賊遊騎至石橋諸將曰並城而北乎當石橋進乎光弼曰當石橋進令甲士夜持炬徐引部曲重堅賊不敢逼已入三城衆二萬軍纔十日糧與卒伍均賊憚光弼未敢犯宮闕頓白馬祠治塹溝築月城以守賊攻光弼與戰于潭西斬千級執五千人初光弼謂李

抱玉曰將軍能爲我守南城二日乎抱玉曰過期何
若曰棄之抱玉許諾光弼卽給賊曰吾糧盡明日當
降賊喜斂兵待期抱玉已繕完卽請戰賊忿欺急攻
之抱玉出奇兵夾擊俘獲過當賊帥周摯引却與安
太清合衆三萬攻北城光弼斂軍入登陴望曰彼軍
雖銳然方陣而器不足慮也日中當破乃出戰及期
未決因召諸將曰彼強而可破者亂也今以亂擊亂
宜無功因問賊陣何所最堅曰西北隅召郝廷玉曰
爲我以麾下破之曰廷玉所將步卒請騎五百與之

三百復問其次曰東南隅召俞惟正辭曰蕃將也不
知步戰請鐵騎三百與之二百乃出賜馬四十分給
廷玉等光弼執大旗曰望吾旗麾若緩可觀便宜若
三麾至地諸軍畢入生死以之退者斬旣而馮堞望
廷玉軍不能前趨左右取其首來廷玉曰馬中矢非
却也乃命易壯馬有裨將援矛刺賊洞馬腹中數人
又有迎賊不戰而却者光弼召援矛者賜絹五百疋
不戰者斬光弼麾旗三諸軍爭奮賊衆奔敗斬首萬
餘級俘入千餘人擒周摯太清挺身走思明未知猶

攻南城光弼驅所俘示之思明大懼築壘以拒官軍
始光弼將戰內刃於靴曰戰危事吾位三公不可辱
於賊萬有一不捷當自刎以謝天子及是西向拜舞
三軍感動太清襲懷州守之光弼加太尉進圍懷州
思明來救屯兵河清聲言渡河絕餉路光弼壁野水
渡既夕還軍留牙將雍希顥守戒之曰賊將高暉李
日越萬人敵也賊必使劫我爾留此賊至勿與戰若
降與偕來左右竊怪語無倫是日思明果召日越曰
光弼野次爾以鐵騎五百夜取之不然無歸即越至

壘使人問曰太尉在乎曰去矣兵幾何曰千人將為
誰曰雍希顥日越謂其下曰我受命在光弼今獲希
顥歸不免死逐請降希顥與俱至光弼厚待之表授
金吾大將軍高暉聞之亦降或曰公降二將何易也
光弼曰思明再敗恨不得野戰聞我野次彼固易之
命將來襲必許以死希顥無名不足以為功日越懼
死不降何待高暉才出日越之右降者見遇二人得
不思奮乎諸將決丹水灌懷州未下光弼令廷玉從
地道入得其軍號登陴大呼王師乘城擒太清送之

京師俘獻太廟。思明使諜宣言賊將士皆北人。謳吟思歸。魚朝恩信之。屢上賊可滅狀。詔諭光弼。光弼因言賊方銳。未可輕動。僕固懷恩媚光弼。功陰佐朝恩。陳出師計。使者來督戰。光弼不得已。命李抱玉守河陽。遂出師。次北邙。光弼使依山陣。懷恩曰。我用騎。今追險。非便地。請陣諸原。光弼曰。有險可以勝。可以敗。可○以○敗○也陣於原。敗。斯殲矣。且賊致死于我。不如守險。懷恩不從。賊據高原。以長戟七百壯士。執刀隨之。委物僞遁。懷恩軍爭剽。獲伏兵。發官軍大潰。懷州復陷。光弼渡

河。保聞喜抱玉以兵寡。棄河陽。光弼請罪。帝以懷恩違令。覆軍。優詔召光弼入朝。未幾復拜太尉。寶應元年。進封臨淮郡王。賜鉄券。名藏太廟。圖形凌烟閣。北邙之敗。懷恩羞其策。謬故深忌。光弼切骨而程元振尤疾之。二人用事。日謀中傷。吐蕃寇京師。代宗召入。援光弼。畏禍。遷延不敢行。及帝幸陝。猶倚以爲重。數存問其母。以解嫌疑。後帝還長安。因拜東都留守。察其去就。光弼以久須詔書不至。歸徐州。收租賦爲辭。帝令郭子儀輦其母還京。光弼疾。將吏曰。後事。荅曰。

唐○名○將○詩
吾○淹○軍○中○不○得○就○養○爲○不○孝○子○尚○何○言○哉○取○所○餘○絹
布○分○遣○部○將○尋○卒○部○將○卽○以○其○布○爲○光○弼○行○喪○號○泣
相○聞○帝○遣○使○吊○卹○其○母○光○弼○用○兵○謀○定○而○後○戰○能○以
少○覆○衆○治○師○整○旅○天○下○服○其○威○名○軍○中○指○顧○諸○將○不
敢○仰○視○初○與○子○儀○齊○名○世○稱○李○郭○而○戰○功○推○爲○中○興
第○一○其○代○子○儀○爲○朔○方○也○營○壘○士○卒○旗○幟○無○所○更○而
光○弼○一○號○令○之○容○色○悉○精○明○云

斷曰

安史盛時弼適爲將史雖屢虧恃援不讓饒陽賊

來○一○戰○盡○創○鄭○衆○太○原○主○兵○狂○妄○詔○付○弼○兵○執○兵
不○放○弼○怒○斬○之○三○軍○魂○蕩○思○明○來○攻○石○車○挽○撞○突
陷○塹○擒○其○兵○半○喪○遠○保○潼○關○近○將○誰○仗○刺○賊○援○矛
絹○旌○其○壯○迎○賊○不○前○斬○以○爲○樣○大○戰○百○場○無○不○曲
當○矯○矯○其○功○猶○陳○罪○狀○然○天○無○私○人○心○相○諒○所○以
圖○形○凌○烟○閣○上



